

玉海



040  
1000:23  
34831

玉海卷第五十三

浚儀王應麟伯厚甫

藝文

諸子 又見著書等類

歐陽脩曰仲尼之業垂之六經其道宏博君人治  
物百王之用微是無以為法故自孟軻楊雄荀卿  
之徒又駕其說扶而本之歷世諸子傳相祖述自  
名一家異端其言或破碎於大道然訂其作者之  
意要之孔氏不有殊焉梁劉勰曰諸子者述道  
見志之書太上立德其次立言百姓之群居苦紛

雜而莫顯君子之處世疾名德之不章唯英才特  
達則炳耀垂文騰其姓氏懸諸日月

漢諸子畧

見書目類

**志**

儒家自晏子子思至揚雄所序五十

三家八百三十六篇

入揚雄一家三十八篇

道家自

伊尹太公羊甲鬻子至楚子及道家書三十七家九  
百九十三篇陰陽家自宋司星子常至雜陰陽二十  
一家三百六十九篇法家自李悝商君至法家言十  
家二百一十七篇名家自鄧析尹文子至毛公七家  
三十六篇墨家自尹佚田俅子至墨子六家八十六

篇縱橫家自蘇子張子至莊安待詔金馬聊蒼十二家百七篇雜家自孔甲盤孟大命至雜家言二十家四百三篇入兵法農家自神農野老至蔡癸九家百一十四篇小說家自伊尹說至虞初周說百家十五家千三百八十篇凡諸子百八十九家四千三百二十四篇出楚鞞一家十五篇

漢校定諸子百家

伏無忌傳永和元年詔無忌與議郎黃景校定中書五經諸子百家藝術注藝文志曰諸子凡一百八十九家言百家舉成數也藝謂書數射御術謂醫方卜

筮 安帝紀永初四年二月乙亥詔謁者劉珍及五經博士校定東觀五經諸子傳記百家藝術整齊脫誤是正文字

漢諸子博士

劉歆傳漢至孝文衆書頗出皆諸子傳說猶廣立於學官爲置博士在漢朝之儒唯賈生而已 孟子題辭孝文欲廣遊學之路論語孝經孟子爾雅皆置博士後罷傳記博士獨立五經

唐十七類子錄

藝文志丙部子錄其類十七 一曰儒家類 自晏子春秋至君臣

政理論六十九家九十二曰道家自鬻子至莊子

家七十四部九十一卷并神仙三十五家

釋氏二十五家總一百三十七家一百七十四部

曰法家自管子至五經析疑十五卷四曰名家自鄧析

公孫龍子十二家五曰墨家墨隨巢胡非三六曰縱

橫家自鬼谷子至補闕子七曰雜家自尉繚至子林

五部一千八曰農家自范子計然至兆人本業十九

九曰小說家自燕丹子至真報記三十十曰天文自

解至乙巳占二十家十一曰曆筭自九章重差至刻

十五部三百六卷十二曰兵書自黃帝問玄女法至懸鏡

卷十三曰五行自沈思經至地理經六十家十四曰

監生饒繼良

雜藝術

自投壺經至五星圖十二卷

十五曰類書

自皇

玉藻瓊林十七家二十四部

十六曰明堂經脉

黃帝鍼經至內

經太素十六家三十一卷

十七曰醫術類

本草至崔知悌方六十四家百

四十六部四千

凡著錄六百九家九百六十七部一萬

七千一百五十二卷不著錄五百七家五千六百一

十五卷

六典丙部爲子其類十有四儒道法名墨

縱橫雜農小說兵法天文曆數五行醫方

梁劉勰云七略派流諸子鱗萃純粹者入矩躡駁者

出規

後漢論云貴清靜者以席上爲腐議東名實

者以柱下爲誕辭

北史云淹中稷下八儒三墨之

異漆園黍谷名法兵農之別

唐子書要畧 意林

志雜家孟儀子林二十卷沈約子鈔三十卷

隋志十五卷

庾仲容子鈔三十卷

書目梁庾仲容鈔諸子凡百有  
五家輯爲一書一云一百七家

薛克建子林三十卷盧藏用子書要畧一卷馬摠意

林一卷

晁氏志三卷抄諸子百餘總以庾仲容繁畧  
失中增損成三軸前有戴叔倫楊伯存序

晏子

漢志儒家八篇名嬰謚平仲相齊景公

隋志

唐志同

晏子春秋七卷

史記晏平仲者名嬰萊之夷維人

也事齊靈公莊公景公節儉力行既相齊食不重肉



妾不衣帛其在朝君語及之即危言語不及之即危行國有道則順命無道則衡命以此三世顯名於諸侯太史公曰吾讀管氏牧民山高乘馬輕重九府及晏子春秋詳哉其言之也

子思子

漢志儒家子思二十三篇名伋孔子孫隋志唐志同

七卷孔伋晁氏志一卷四庫書目無之載孟軻問

效民之道何先子思曰先利之孟軻曰云溫公采之著於通鑑

文選注引子思子曰民以君爲心君以民爲體其

言明且清沈約曰禮記中庸表記坊記緇衣皆取

子思子 初學記引之

曾子

漢志 儒家十八篇名參 隋志 二卷 目一卷

唐志

二卷 書目 參與弟子公明儀樂正子春單居離曾

元曾華之徒論述立身孝行之要天地萬物之理今

十篇自脩身至天圓皆見於大戴禮於篇第為四十九至五十八

蓋後人擴出為二卷上卷脩身至事父母下卷制言

至天圓

劉清之集錄七篇內篇一外篇雜篇各三

漆彫子

漢志 儒家十三篇孔子弟子漆彫啓後 韓非子儒

漆彫子

分爲八有漆彫氏之儒

宓子

漢志儒家宓子十六篇名不齊字子賤 景子三篇  
說宓子語似其弟子

世子

漢志儒家二十一篇名碩陳人也七十子之弟子  
論衡本性篇周人世碩以人性有善有惡舉人之善  
性養而致之則善長惡性養而致之則惡長如此則  
性情各有陰陽善惡在所養焉故世子作養性書一  
篇宓子賤漆彫開公孫尼子之徒亦論情性與世子

相出入皆言有善有惡

公孫尼子

**漢志** 儒家二十八篇七十子之弟子 **隋志** 一卷似

孔子弟子

唐志一卷儒家

禮記緇衣公孫尼子所作 **沈**

約曰樂記取公尼子 **文選** 注引之

孟子

見前

論語孝經後

荀子

**漢志** 儒家孫卿子三十二篇名況趙人爲齊稷下祭

酒注師古曰本曰荀卿避宣帝諱故曰孫

志又有孫

卿賦一篇

劉向序臣句枝中孫卿書三百二十二

篇除複重二百九十篇定著三十二篇

隋志十二

卷

唐志同

荀況集一卷

唐志二卷

今書自勸學至堯問三

十三篇楊倞注并序

元和十三年十一月

分爲二十卷篇第頗

有移易使以類相從改孫卿新書爲荀卿子

史記

荀卿推儒墨道德之行事著數萬言

書目陳之方

制荀子疵一卷凡四十篇

董子

漢志儒家一篇名無心難墨子

唐志一卷

宋朝

吳祕注

一卷

戰國時著書闕墨子

書目

一卷與學墨者纏子

辨上同兼愛上賢明鬼之非纏子屈焉 論衡引董  
子難纏子

魯仲連子

**漢志** 儒家十四篇

**隋志** 七卷

唐志同

**書目** 五卷退

隱海上論著此書 春秋正義引魯連書 荀子注  
引魯連子謂田巴 文選注引之

王孫子

**漢志** 儒家一篇 日巧心

孔叢子 一名盤孟子

**隋志** 論語類孔叢七卷 孔鮒撰 孔志十卷 梁劉被撰

孔子家語二十一卷王肅解 **書目**孔叢子七卷合

爲二十三篇 **晁氏志**鮒字子魚論集仲尼子思子

上子高子順之言及已之事凡二十一篇 爲六卷  
嘉言至答

問孔臧以所爲賦與書謂之連叢上下篇爲一卷附

于末按漢志無孔叢子而儒家有孔臧十篇雜家有

孔甲盤孟書二十六篇意者孔叢子卽漢志孔甲盤

孟書而亡六篇連叢卽漢志孔臧書而其子孫或續

之也 嘉祐三年二月宋咸序四年二月丁亥咸爲

廣西轉運上所注楊子孔叢子賜三品服 并撰釋文

以三年十二月表上

牟子

**隋志** 儒家

唐志 道家

二卷後漢太尉牟融撰

文選注引

之

魏子

**隋志** 儒家三卷後漢魏朗撰

文中子 中說

**唐志** 儒家王通中說五卷

**崇文目** 十卷王道天地

事君周公問易禮樂述史魏相立命關子明

**王福**

時家書雜錄中說編爲十篇成十卷阮逸注

**王續**

**傳** 兄通隋末聚徒河汾做古作六經爲中說擬論語



不爲諸儒稱道惟中說獨存 唐李翱以比太公家

教及司空圖皮日休始重之

日休作碑

宋興柳開孫何振

而張之遂行於世 阮逸序中說者門人對問之書

薛收姚義集而名之正觀二年御史大夫杜淹始序

中說及世家 龔鼎臣得唐本於齊州李冠家以甲

乙冠篇而分篇始末皆不同又本文多與逸異

阮龔

各以所得本爲訓義

宋咸撰過文中子十卷又駁

中說二十二事 程子稱其書勝荀楊 陳亮叅取

阮龔本類次爲十六篇其無條目可入與凡可畧者

不錄 司馬光補傳

元子

唐志 儒家元子十卷又

浪說七篇  
漫說七篇

元結別集元結文

編十卷

天寶九年庚寅至十二年癸巳成書五篇

一萬六千五百九十五言分爲十卷卷首有元氏家錄紀其世次中書舍人李紆序其中惡圓惡曲至于世化凡十四篇文編亦有之

伸蒙子

唐志 儒家林謹思三卷

咸通中人

書目三卷假答

問之辭叙三才君臣文武之事凡萬言

周生獺子

唐志儒家五卷  
隋志周生子要論一卷錄一卷魏  
侍中周生烈撰

冀子

唐志儒家五卷冀重字子泉

定州容城人

元和子

唐志儒家杜信二卷

鰕子

國史志儒家趙隣幾一卷

素履子

國史志儒家張弧一卷

聲隅子

書目 儒家一卷 黃聯著 聲隅子 楊庭論 嘉祐元年十一月十五日以爲太學助教 唐沈顏聲書十卷

子華子

書目 儒家十卷 載劉向校錄序曰 向所校讎中外書子華子凡二十四篇 以相校除複重十三篇 定著十篇 又曰 子華子 程氏名本 字子華 晉人也 善持論 不肯苟容 於諸侯聚徒著書 自號程子 案漢志及隋唐二志 崇文總目 國史藝文志 悉無此書 吳兢李淑二家書目亦不載 必近世依託也 晁氏志云 元豐以後

舉子所爲雜家

王汝卷五十三

十一

莊子稱子華子見韓昭侯陸德明以爲魏人 呂氏春秋引子華子曰注子華子體道人也

鬻子

漢志道家二十二篇名熊爲周師自文王以下問焉小說家鬻子說十九篇後世所加 唐志道家一百三十七家始於鬻子一卷永徽中逢行珪注 行珪序云十四篇

書目雜家十四篇鬻熊楚之先也爲周文王師著書二十二篇今本十四篇 始於大道文王

問

列子天瑞篇鬻熊曰運轉無已天地密移力命

篇鬻熊語文王曰自長非所增自短非所損

雕龍鬻熊知道而文王咨謀諸子肇始莫先於斯

賈誼新書引文王武王成王問粥子

老子見御製老子經傳

漢志道家老子鄰氏經傳四篇李耳傅氏經說三十

七篇徐氏經說六篇劉向說四篇史記老子著上

下二篇五千餘言老萊子亦楚人著書十五篇言道

家之用漢志道家老成子十葛玄序老子西游天

下關令尹喜曰大道將隱乎願為我著書於是作道

德二篇五千文上下經河上公漢文帝時授素書

漢書丁亥年

道德經章句二卷道經體道至為政第三十七德經

論德至顯質第八十一 晁氏志李耳以周平王四

十二年授關令尹喜凡五千七百四十有八言八十

一章言道德之旨其末云使民復結繩而用之蓋三

皇之道也 集賢注記開元二十年九月左常侍崔

沔入院修撰與道士王虛正趙仙甫并諸學士參議

修老子疏 舊唐史司馬承禎善隸書玄宗令以三

體寫老子經因刊正文句定著五千三百八十言為

真本奏上之 一本云司馬子微開元中帝命以二體寫老子刊正文句 梁元帝

著講疏四卷 賀瑒著老莊講疏 陳張譏撰老子義

十一卷

晉羊祐為老子傳

魏王弼老子畧論

王禹玉曰今資善堂所寫御本獨無章名章名疑非

老氏之意

書目三家老子音義一卷徐鉉補正唐

德明傅奕二家音義故名三家道德經三十家注六

卷唐張君相集解

集河上公嚴遵王弼何晏郭象鍾會孫登羊祐羅升盧裕劉仁會顧

敬陶隱居松靈仙人裴處恩杜弼節解張憑張嗣臧玄靜大孟小孟竇畧宋文明褚綽劉進喜蔡子晃成

玄英車惠

唐志嚴遵指歸十四卷

隋志老子指歸十二卷書目

十三卷漢嚴遵撰谷神子注唐志馮廣注列子釋文漢嚴遵字君平作指歸十四篇演解五千文

國史志道德經節解二卷嚴君平指歸十三卷諸家

道德經疏二卷

河上公葛仙公鄭思遠唐宗元宗并自疏不知姓名

秦宓傳



李權曰仲尼嚴平會聚衆書以成春秋指歸之文古  
朴曰嚴君平見黃老作指歸 程大昌易老通言十  
卷 司馬光述要呂大臨蘇轍劉涇王安石注各二  
卷

### 文子

漢志道家九篇老子弟子與孔子並時而稱周平王  
問似依託者也 隋志十二卷 唐志同 梁七錄十  
卷 柳宗元曰十二  
篇蓋駁書也凡管孟數家皆見剽 文選注范子曰  
竊 默希子注 道原至上禮

文子姓辛葵丘濮上人稱曰計然南遊於越范蠡師

事之 本受業於老子文子錄其遺言爲十二篇 今  
默希子謂姓辛名研文子其字也師老子

本十二卷元魏李暹注

唐徐靈府注

卽墨希子

朱玄

注

關尹子

漢志道家九篇名喜爲關吏老子過關喜去吏而從

之

劉向校關尹子永始二年八月庚子上

列仙傳著書九篇名關令

子

今本九卷一字至九藥

列子

漢志道家八篇名圖寇先莊子

隋志八卷晉張湛

注

天瑞至說符

舊二十篇劉向去重複存者八篇

向校列子

書永始二年八月壬寅上

柳宗元曰楊朱力命疑其揚子書

康熙二十六年刊

玉海卷五十一

三百五十五

天寶初號冲虛真經景德四年二月丙寅加至德二字  
唐殷敬順撰釋文 徽宗御製解 王曉列子  
旨歸一篇

莊子

漢志道家五十二篇名周宋人

成玄英云字子休

釋文序

錄五十二篇卽司馬彪孟氏所注內七篇外篇二十八雜篇十四解說三 郭子玄云一曲之才妄竄奇說若闕弈意修之首危言遊鳧子胥之篇凡諸子雜十分有三言多詭誕或似山海經或類占夢書注者以意去取其內篇衆家並同其餘或有外而無雜

今本十卷三十三篇逍遙遊至天下分爲內外雜篇

內篇七外篇十唐成玄英疏三十三卷本郭象注爲

五雜篇十一疏義 **北史**何妥義疏四卷 **南史**張譏內篇義十

二卷外篇義二十卷雜篇義十卷 **唐志**道家郭象

崔譔注十卷向秀注李頤王玄古集解陸德明文句

義各二十卷司馬彪注二十一卷成玄英注三十卷

疏二卷張九垓指要三十三篇 書目成玄英疏十卷

也唐文如海正義十卷 晁氏志文如海疏十卷 **隋志**徐邈集

音三卷梁簡文講疏十卷 本二十卷今缺梁曠南華

論二十五卷 本三十卷 **史記**莊子著書十餘萬言

康熙二十六年刊

大抵率寓言也

文選注引淮南王莊子畧要

晉

王坦之著廢莊論

宋朝王曉莊子旨歸三篇

亢倉子

史記莊子傳畏累虛亢桑子之屬皆空語無事實

唐志王士元亢倉子二卷

天寶元年二月丙申號

莊子南華庚子號列子冲虛文子通玄亢桑子洞靈  
真經然亢桑子求之不獲王士元謂莊子作庚桑太  
史公列子作亢倉子其實一也取諸子文義類者爲二  
卷補其亡

今本五卷九篇自全道至兵道何緊注

柳宗元曰首篇出莊子而益以庸言劉向班固錄書

無之今之爲術者始爲傳注

書目三卷首篇與莊

子庚桑楚篇畧同

四子治國樞要

晁氏志四卷唐范乾九集四子莊文列亢倉謂黃老之道內足以修身外足以治國采其書有益治道者分爲二十門

鵬冠子

漢志道家一篇楚人居深山以鵬爲冠

隋志三卷

書目

楚之隱人

韓愈謂其詞雜黃老刑名

柳宗

元以爲好事者僞爲其書

晁氏志著書十五篇論

三才變通古今治亂之道

三卷

今本博選至學問

分爲四卷

田子

漢志道家二十五篇名駢齊人游稷下號天口駢

春秋作陳駢

廣成子

隋志道家十三卷

唐志十卷

商洛公撰張太衝注疑近

人作 **晁氏志** 廣成子解一卷蘇軾取莊子黃帝問

道一章爲解

任子道論

隋志道家十卷魏河東太守任嘏撰

抱朴子

隋志道家抱朴子內篇二十一卷

音一卷

葛洪撰

唐志

十卷雜家外篇三十卷

梁有五十一卷唐志二十卷

晉葛洪傳內

篇玄黃白外篇駁雜通釋內外一百六十一篇號抱朴子書目內篇二十卷外篇五十卷合內外篇今

存共七十卷

唐子

後漢方術傳唐檀著書二十八篇名唐子

隋志道

家唐子十卷吳唐滂撰

唐志同



幽求子

晉儒林傳杜夷著幽求子二十篇

隋志道家杜氏

幽求新書二十卷

陸子

唐志道家十卷陸雲

天機子

晁氏志一卷凡二十五篇一名陰符二十四機諸葛亮撰觀其詞旨殆李筌所爲托之孔明也載道藏中書目道家天機經一卷不知作者

鄒子

漢志陰陽家鄒子四十九篇名衍齊人爲燕昭王師

居稷下號談天衍鄒子終始五十六篇師古曰亦鄒

奭子十二篇齊人號曰雕龍奭史記騶衍深觀陰

陽消息而作怪迂之變終始大聖之篇十餘萬言其

語閎大不經作主運劉向別錄鄒子書有主運篇封

侯

容成子

漢志陰陽家十四篇呂氏春秋容成作曆 莊子

容成氏曰除日無歲無內無外則陽篇

管子 管子指畧

志道家管子八十六篇名夷吾相齊桓公孝經有

管子職一篇

注管仲所作  
在管子書

隋志法家十九卷

唐

憲法家十九卷尹知章注三十卷杜佑管子指畧二

卷書目二十四卷法家

劉向序管子書三百八

十九篇校除複重定著八十六篇其書務富國安民

道約言要

史記管仲頴上人既任政相齊通貨積

財富國疆兵與俗同好惡故其稱曰倉廩實而知禮節

衣食足而知榮辱上服度則六親固四維不張國乃

滅亡

禮義廉耻

下令如流水之原令順民心故論卑

而易行太史公曰吾讀管氏牧民山高乘馬輕重九

府及晏子春秋詳哉其言之也既見其著書欲觀其行  
事故次其傳至其書世多有之是以不論論其軼事  
注劉向別錄曰九府書民間無有山高一名形勢

傅子管仲之書過半是後之好事所加輕重篇尤鄙

俗孔穎達曰或國史志尹知章注十九卷吳氏西

是後人所錄三十卷此自形勢解亡唐杜佑抄管氏書爲指

畧序稱房喬所注而舊錄皆作尹知章文句無復小

異今本房元齡注五十八篇有注有經言外言內言

短語區言雜篇解輕重牧民第一至輕重庚第八十

六 丁度管子要畧五篇

三海卷五十三  
六  
李子

漢志法家三十二篇名悝相魏文侯富國彊兵

申子

漢志法家六篇名不害相韓昭侯 劉向別錄申子

學別刑名以名責實尊君卑臣崇上抑下宣帝好觀

其君臣篇

史記列傳著書二篇號曰申子

別錄民間有上

下二篇中書六篇皆合二篇已備過太史公所記

唐志三卷

韓非子申

不害徒術而無法公孫鞅徒法而無術

商子

漢志法家商君二十九篇名鞅治秦孝公

隋志商

君書五卷

唐志五卷或作商子

書目商子五卷史記嘗讀商

君開塞耕戰書與其人行事相類今是書具存共二

十六篇

本二十九今三篇亡

晉庾峻曰秦塞斯路

利出一官雖有處士之名而無爵列於朝者商君謂

之六韓非謂之五蠹

文心雕龍云商韓之六風五蠹

韓子

漢志法家五十五篇名非

史記列傳作孤憤五蠹

內外儲說林說難十餘萬言

韓安國受韓子雜家說

隋志

唐志

同二十卷目一卷

今本五十六篇注不詳名氏

鄧析子

萬曆十六年

三

七

監生 吳學相刊

漢志名家鄧析二篇鄭人與子產並時隋志一卷

唐志晁氏志二卷其書大旨許而刻

尹文子

漢志名家一篇說齊宣王先公孫龍注劉向云與宋

鉞俱游稷下隋志二卷周之處士遊齊稷下唐

志一卷書目二卷齊人劉向以其學本於黃老居

稷下與宋鉞彭蒙田駢等同學於公孫龍魏黃初末

山陽仲長氏得其書始詮次為上下二篇

公孫龍子

漢志名家十四篇師古曰即為堅白之辨者

唐志三卷書目名家一卷

陳嗣古賈大隱注各一卷

惠子

漢志名家一篇名施與莊子並時 莊子惠施多方  
其書五車其道舛駁其言也不中 荀子惠子蔽於  
辭而不知實

田俀子

漢志墨家三篇先韓子 隋志梁有一卷 亡 文選  
注引之

墨子

漢志墨家七十一篇名翟爲宋大夫在孔子後墨家



出於諸廟之守貴儉兼愛上賢右鬼非命上同此其

所長也墨六家八十六篇始於尹佚二篇周臣次田

俅子三篇我子一篇爲墨子之學隨巢子六篇胡非

子三篇墨翟弟子終於墨子隋志十五卷目一卷

隨巢胡非子各一卷唐志書目十五卷自親士至

雜守爲六十一篇克篇一本自親士至上同凡十

三篇

墨辨

晉魯勝傳著正天論著述爲世所稱注墨辨存其序  
曰墨子著書作辯經以立名本惠施公孫龍祖述其

學以正刑名顯於世孟子非墨子其辨言正詞則與墨同荀卿莊周等皆非毀名家而不能易其論也墨辨有上下經經各有說凡四篇與其書衆篇連第故獨存今引說就經各附其章疑者闕之又采諸衆雜集爲形名二篇畧解指歸以俟君子

蒯子 雋永

漢志縱橫家五篇名通 史記蒯通者善爲長短說

論戰國之權變爲八十一首索隱曰戰國策亦名曰長短書 漢傳

論戰國說士權變亦自序其說凡八十一首號曰雋

永論其美而義深長 邊通學短長 主父偃學長短縱橫

康熙二十六年刊 三十一

術

蘇子

漢志縱橫家蘇子三十二篇

券

張子十篇

儀

呂氏

曰蘇秦周人也張儀公孫衍魏人也故言權變辨智之士必曰三晉兩周

鬼谷子

唐志縱橫家鬼谷子二卷

蘇秦

又樂壹

隋志云

注三

卷尹知章注三卷

史記正義

鬼谷谷名在雒州陽

城縣北五里七錄有蘇秦書樂壹注云秦欲神秘其道故假名鬼谷也鬼谷子三卷樂壹注字正魯郡人

有陰符七術有揣及摩二篇戰國策云得大公陰符  
之謀伏而誦之簡練以爲揣摩甚年揣摩成按鬼谷  
子乃蘇秦書明矣 [中興書目] 三卷周時高士無鄉  
里族姓名字以其所隱自號鬼谷先生蘇秦張儀事  
之授以捭闔下至符言等十有二篇及轉圖本經持  
樞中經等篇亦以告儀秦者也 楊子曰儀秦學于鬼谷術 一本始  
末皆東晉陶弘景注一本捭闔反應內捷抵巇四篇  
不詳何人訓釋中下二卷與弘景所注同 有飛鉤揣  
摩之篇

元奘爲指要幾千言

柳宗元辨曰劉向

班固錄書無鬼谷子險隘峭薄世之言縱橫者時葆

其書晚乃益出七術言益奇而道益隱 晁氏志 押

闔之術十三章本經持樞中經三篇 隋志 鬼谷子

三卷皇甫謐注 周世隱於鬼谷 兵書有鬼谷先生

占氣一卷

補闕子

唐志縱橫家梁元帝十卷 隋志又有湘東鴻烈十卷 雜家金樓子十卷

尉繚子

漢志雜家尉繚三十九篇六國時 劉向別錄云繚爲高君學 兵形

執尉繚三十一篇 隋志 五卷 梁并繚六卷 梁惠王時人

唐志六卷

尸子

漢志雜家二十篇名佼魯人秦相商君師之隋志

二十卷

唐志同雜家

目一卷

梁十卷

秦相衛鞅上客尸佼撰

其九篇亡魏黃初中續

爾雅疏引廣澤篇仁意篇緯子篇

劉向別

錄楚有尸子疑謂其在蜀今案尸子書晉人造二十

篇書凡六萬餘言

書目儒家一卷李淑書目所存

者四卷今止存二篇合爲一卷

後漢書注一篇言

九州險阻水泉所起十九篇陳道德仁義之紀

淮南子

見着書類

隋志雜家二十一卷劉安撰許慎高誘注

傅子

隋志雜家一百二十卷晉司隸校尉傅玄撰唐志同

晉傅玄傳論經典九流及三史故事評斷得失各爲區例名爲傅子爲內外中篇凡有四部六錄合百四十首數十萬言初作內篇成示司空王沉沉曰足以塞揚墨之流遁齊荀孟於徃代

崇文目五卷

中興月同

書目今存二十三篇餘皆缺

劉子

比齊

劉晝字孔昭撰袁孝正爲序并注凡五十五

篇清神至九流

書目三卷泛論治國修身之要雜

諸子

以九流之說 北史畫著金箱壁言撰高才不遇傳  
唐志雜家十卷劉勰 晁氏志齊劉畫撰或以爲  
劉勰或以爲劉孝標未知孰是

尹子

書目雜家五卷不知名設荅問之辭雜論天地軍國  
地里靈神釋老之事并序論凡十九篇

唐中黃子

書目唐嚴從撰三卷從自號中黃子開元中爲著作  
郎既卒皇太子命侍文呂向訪其遺文得八篇序爲

三卷

唐志嚴從集三卷



樊子

唐志雜家樊宗師三十卷

務成子

漢志小說家十一篇稱堯問非古語荀子大畧篇  
舜學於務成昭注尸子務成昭之教舜曰避逆從順  
天下不足取新序子夏對哀公

炙轂子

唐志小說家炙轂子雜錄注解五卷書目炙轂子

雜錄五卷唐王叡以二儀實錄古今注樂府題解合  
編爲一書又炙轂子詩格一卷叙詩體式所始評其

述作之要

陳子

後漢陳紀著書數萬言號曰陳子

韋卿子

後漢韋彪著書十二篇號曰韋卿子

老耽貴柔孔子貴仁墨翟貴廉關尹貴清子列子貴  
虛陳駢貴齊陽朱貴已孫臏貴勢王廩貴先兒良貴  
後呂氏春秋墨子貴兼孔子貴公皇子貴秉田子

貴均列子貴虛料子貴別尸子

慎子有見於後無

見於先老子有見於拙無見於信墨子有見於齊無  
見於畸宋子有見於少無見於多墨子蔽於用而  
不知文宋子蔽於欲而不知得慎子蔽於法而不知  
賢申子蔽於勢而不知知惠子蔽於辭而不知實莊  
子蔽於天而不知人荀子

玉海卷第五十四

沒儀王應麟伯厚甫

藝文

總集文章

屈原作離騷爲百代詞章之祖衆士慕嚮綴文接  
踵於道各名一家之言別而聚之命之曰集其原  
起於東京而極於有唐至七百餘家晉摯虞彙分  
之曰文章流別後世祖述爲總集至唐亦七十五  
家

楚辭

漢離騷傳

唐七家楚辭

楚辭

三才卷五十二  
章句

史記屈原傳原名平楚之同姓也爲楚懷王左徒上官大夫讒之王怒而疏平平憂愁幽思而作離騷離騷者猶離憂也既死之後楚有宋玉唐勒景差之徒者皆好辭而以賦見待然皆祖屈原

漢地理志楚

屈原被讒作離騷諸賦後有宋玉唐勒之屬漢淮南王安著書而吳有嚴助朱買臣責顯文辭並發故世傳楚辭

漢藝文志

屈原賦二十五篇唐勒四篇宋

玉十二篇

漢傳

淮南王安武帝使爲離騷傳曰受

詔日食時上

王逸云武帝使安作章句隋志淮南王章句其書已亡

朱買臣

召見說春秋言楚辭帝甚說之 宣帝召能爲楚辭

九江被公召見誦讀

王褒傳

揚雄作書擬離騷文而

反之名曰反離騷又旁離騷作重一篇名曰廣騷又

旁惜誦以下至懷沙一卷名畔牢愁 班固叙贊二

篇固云孝武詔淮南王安以離騷傳以爲國風好色

而不淫

云云

斯論似過其實

班彪有悼離騷

王逸

順帝時著楚詞章句行於世

隋志云後漢校書郎王逸集屈原迄劉向又自

爲一篇并叙而注之

梁竦感悼子胥屈原作悼騷賦繫元石

沈之 應奉著感騷三十篇數萬言愍屈原因以自

傷

文心雕龍辨騷

隋志楚辭十部二十九卷

王逸至劉

唐宋何偃剛逸注十一卷亡皇甫遵訓參解七卷又楚辭音各二卷餘見唐志

玉傷而和之其後賈誼東方朔劉向楊雄擬作以原楚

人也謂之楚辭隋時有釋道騫善讀之今傳楚辭者

祖騫公之音 **唐志**集錄楚辭類七家七部三十二

卷王逸注十六卷隋志十卷郭璞注十卷隋志三卷楊穆九

悼一卷劉杳離騷草木蟲魚疏二卷孟與徐邈僧道

騫音各一卷樂類離騷譜一卷 **中興書目**楚辭九家九十

四卷 宋朝黃伯思翼騷一卷伯思曰屈宋諸騷皆

書楚語作楚聲紀楚地名楚物故謂之楚辭 洪興祖

補注十七卷考異一卷 黃銖協韻一卷 朱熹集

注八卷辨證二卷 晁補之集續編二書各二十卷

熹刊補定著五十二篇爲楚辭後語

離騷經

九歌

東皇太一 雲中君 湘君 湘夫人 大司命

少司命 東君 河伯 山鬼 國殤 禮魂 十一章

九章

惜誦 涉

江哀郢 抽思 懷沙 思美人 惜往日 橘頌 悲回風

遠

遊

卜居

漁父

屈原

九辯

招魂

宋玉

大招

屈原或言景差

惜誓

賈誼

招隱

淮南小山

七

諫

東方朔

哀時命

莊忌

九懷

王褒

九歎

劉向

九思

王逸

凡十六卷

唐志

太史公曰屈平之作離騷蓋自怨生也國風好色而



不滛小雅怨誹而不亂若離騷者可謂兼之矣其文約其辭微其志絜其行廉其稱文小而指極大舉類邇而見義遠其志潔故其稱物芳其行廉故死而不容自疎濯淖汙泥之中蟬蛻於濁穢以浮游塵埃之外不獲世之滋垢皜然泥而不滓者也推此志也雖與日月爭光可也 朱文公曰其寓情草木托意男女以極遊觀之適者變風之流也其叙事陳情感今懷古以不忘乎君臣之義者變雅之類也至於語冥昏而越禮攄怨憤而失中則又風雅之再變矣其語祀神歌舞之盛則幾乎頌其變也又有甚焉自原之後作

者繼起而宋玉賈生相如揚雄爲之冠七諫以下無足觀者而褒爲最下 晁氏曰離騷遭憂也終窶且貧莫知我艱北門之志也何辜於天我罪伊何小弁之情也以附益六經之教於詩最近懷沙言賦橘頌言頌九歌言歌天問言問皆詩也離騷備之矣蓋詩之流至於楚而爲離騷至漢而爲賦其後復變而爲詩又變而爲雜言長謡問對銘贊操引

### 漢連珠

三輔決錄注趙岐擬前代連珠之書四十章上之

假

以達旨而覽者微悟歷歷如貫珠故謂之連珠

蔡邕傳著連珠

韓說奏

連珠

文苑傳傅毅著連珠

劉珍著連珠

文選

陸機演連珠五十首注傅玄叙連珠興於漢章之世  
班固賈逵傅毅受詔作之合於古詩諷興之義

心雕龍楊雄覃思文閣碎文瓌語肇爲連珠擬者聞

出杜篤賈逵劉珍潘最欲穿明珠多貫魚目唯士衡

理新文敏文選注引楊雄連珠一卷陸機之作隋志

陸機連珠一卷何承天注孝標注謝靈運連珠集五

卷唐志陳證連珠十五卷黃芳連珠一卷梁武連珠

一卷沈約注約謂金鑑互梁武帝制旨連珠十卷邵

陵王綸注又陸繡注武帝者連珠群臣繼作梁有設

論連珠十卷謝靈運撰

南齊書劉祥著連珠十五首

**唐志**謝靈運連珠集五卷梁武帝制旨連珠四卷

陸緬注十一卷康顯海藏連珠三十卷

**文章緣起**

連珠揚雄作沈約曰連珠之作始自子雲蓋謂辭句連續互相發明若珠之結排也

### 漢魏文章

**書目**漢魏文章二卷宋玉及漢魏人文賦凡八十八

**首三國志文類六十卷**錄詔書表奏評論序文等

集

者不知名

晉文章流別集

文章志

善文

摯虞傳撰文章志四卷

後漢桓麟傳注文撰長笛賦注引文章志

注解三

輔決錄又撰古今文章類聚區分爲三十卷名曰流

別集各爲之論辭理愜當爲世所重

唐志摯虞集十卷張華傳虞

撰官書皆資華本以取正

華虞傳集經書要事名曰善文行於

世隋志總集類文章流別等一百七部二千二百

一十三卷

六典同

總集者以建安之後辭賦轉繁衆家

之集日以滋廣晉代摯虞苦覽者之勞倦於是捭擿

孔翠芟翦繁蕪自詩賦下各爲條貫合而編之謂爲

流別摯虞文章流別集四十一卷梁六十卷志二卷

論二卷

唐志三十卷

謝澠流別本十二卷孔甯續流別三

卷

**唐志**杜預善文四十九卷

隋志五十卷  
李斯傳注辨士隱姓

史記

名遺秦將章耶  
書在善文中

文選注引文章錄流別錄

詩正

義引疏別論云詩有九言

顧凱之有晉文章記

晉集苑

文苑

宋集林

**唐志**謝混集苑六十卷

隋志四十五卷

孔道文苑一百卷

隋志

同 又文苑鈔三十卷

**中興書目**

孔道集漢以後諸

儒文章今存十九卷賦頌騷銘詠弔典書表論凡十

屬目錄有書寫校正官吏姓名題龍朔二年或大中

十年蓋唐祕書所藏本也

南史道會稽人有才藻  
製東都賦三吳決錄

**隋志**劉義慶集林一百八十一卷

梁二百卷  
二百卷宋臨川王

唐志

義慶

撰

唐志謝澹名文集四十卷丘遲集鈔四十卷

隋志沈約集鈔

十卷庾白直類文三百七十七卷

晉七林

枚乘作七發

文選注七發者說七事以起發太子猶楚詞也諫之流

屬文之士

若薄殺劉廣世崔駟李尤桓麟崔琦劉梁馬融張衡

作七激興依疑說蠲舉厲辨之篇 傅玄作七謨又

集七林 曹植作七啓并命王粲作 張協作七命

陸機七證 劉劭七華 顏延之七釋 沈佺期

七引 唐志下氏七林集十二卷 隋志十卷梁十

二卷錄二卷卞景撰梁又有七林三十卷音一卷卞謝靈運七集十卷

晉江左文章志

唐志目錄類摯虞文章志四卷宋明帝晉江左文章

志二卷沈約宋世文章志二卷沈約傳撰文章三十二卷傅亮續

文章志二卷隋志同雜家任昉文章始一卷張續補姚

察續文章始一卷晉目昉文章錄起一卷凡八十五題世說注多引

江左文章志又有丘淵之文章錄別集錄顧凱之晉

文章記文章叙錄丘靈鞠著江左文章錄序起太

興訖元熙魏志注引文章序錄摯虞文章志後漢



注引文章志

梁昭明太子文選 唐李善注文選

文選辨惑 五臣注文選 唐續文選

擬文選

隋志文選三十卷梁昭明太子撰唐志同音三卷蕭該

撰唐志十卷唐志李善注文選六十卷又文選辨惑十

卷公孫羅注文選六十卷音義十卷五臣注文選三

十卷衢州常山尉呂延濟都水使者劉承祖男良慶

士張鏡呂向李周翰注開元六年工部侍郎呂延祚曹憲文選音義卷云康國安注駁文選異義二

十卷僧道淹許淹文選音義十卷李邕傳父善淹貫

古今不能屬辭人號書鹿顯慶中擢崇賢館學士爲  
文選注敷析淵洽表上之賜賚頗渥善釋事而忘意  
書成以問邕邕不敢對善詰之邕意欲有所更善曰  
試爲我補益之邕附事見義善以其不可奪故兩書  
並行邕居汴鄭間講授諸生傳其業者號文選學

**曹憲傳**

以文選授諸生

和曰

模公孫羅李善傳授其學與

**會要顯慶六年正月二十七日**右內率府參軍崇賢

直學士李善上注文選六十卷藏於祕府

文選注表

年九月日上

表云昭明太子居肅成而講執

開傳望以招賢塞中葉之詞林酌前修之筆海

向傳嘗以李善釋文選爲繁冗與呂延濟劉良張銑

李周翰等更爲注解時號五臣注中興書目文選

昭明太子蕭統集子夏屈原宋玉李斯及漢迄梁文

人才士所著賦詩騷七詔冊令教表書啓牋記檄難

問議論序頌贊銘誄碑誌行狀等爲三十卷與何遜劉孝綽

集選李善注析爲六十卷集賢注記開元十九年

三月蕭嵩奏王智明李元成陳居注文選先是馮光

震奉敕入院校文選上疏以李善舊注不精請改注

從之光震自注得數卷嵩以先代舊業欲就其功奏

智明等助之明年五月令智明元成陸善經專注文

選事竟不就唐志孟利貞頌文選十卷下長福續

文選三十卷

開元十七年上校富陽尉

卜隱之擬文選三十卷

開元

處

上目錄類常寶鼎文選著作人名目三卷

崇文目

文選抄十二卷

蘇易簡文選菁英十二卷

唐志

昭明太子古今詩苑英華二十卷蕭圓文海集

三十六卷

蕭圓文撰文海四十卷

隋杜正藏著文章體式

時號文軌

梁文心雕龍

南史文學傳劉勰字彥和天監中兼東宮通事舍人

撰文心雕龍論古今文體其序畧云

云云

沈約謂深

得文理

隋志

總集類文心雕龍十卷梁劉勰撰唐

志文史類

史通

詞人屬文其體非一譬甘辛殊味

丹素異彩後來祖述識昧圓通家有詆訶人相倚撫  
故劉勰文心生焉 五十篇原道至序志末各系贊

唐七十五家摠集

志丁部總集七十五家九十九部四千二百二十三  
卷始於摯虞文章流別集杜預善文次以謝沈名文  
集孔逵文苑梁昭明文選詩苑英華終於劉孝孫古  
今類聚詩苑三十卷郭瑜古今詩類聚七十卷歌錄集八卷  
附以文史自李充翰林論至鍾嶸詩評四家四部十  
八卷摠七十九家 百七部不著錄七十八家八百  
一十三卷自李淳風注顏之推稽聖賦至林逢續掌

記畧文史自劉子玄史通至孫郃文格不著錄二十  
三部一百七十九卷隋志摠集一百七部二千二  
百十三卷晉摠虞作流別作者繼軌并解釋評論總  
於此篇終於法集國朝志文史魏晉以前尚古文  
有李充翰林論江左用聲律有顏竣詩例鍾嶸詩品  
唐以來詩賦有張仲素賦樞范傳正賦訣史官欲明  
職業有劉氏史通史例

總集七十五家若摠虞流別杜預善文謝沈名文集  
孔道文苑昭明文選蕭圓文海集康明貞辭苑麗則庾  
自直類文李德林霸朝雜集蕭淑西府新文要集虞

綽類集文苑詞英謝混集苑劉義慶集林丘遲集鈔  
劉允濟金門待詔集許敬宗文館詞林麗正文苑芳  
林要覽之類皆集文也昭明古今詩苑英華元嘉宴  
會千寶百志崔光百國應璩李夔百一伏滔元正宴  
會顏延之西池宴會齊之清溪釋奠集徐伯陽文會  
北齊文林詩府以至劉孝孫郭瑜之類聚終於歌集  
錄皆集詩也賦自宋明帝集至綦母邃三京賦音頌  
自瑞應頌集至靖恭堂頌碑有諸郡碑雜碑論有殷  
仲堪雜論及設論連珠自謝靈運至陸緬三家讚歲  
銘誠有謝莊等四家書有王履書集夏赤松書林啓

表有山濤啓事至薦文集策有尤嘉策及宋伯宜之

集七林有卞氏集

卷十二

及顏之推七語若小辭林五

十三卷集古今帝王正位文章九十卷皆失名氏

別集始于荀況宋玉自漢武帝二卷淮南王二卷至

揚雄集五卷凡二十一家先漢之文也崔篆一卷東

平王蒼二卷至王粲十卷五十七家東漢之文也魏

武三十卷至鍾會十卷魏之文也許靖二卷至諸葛

二十卷蜀之文也吳自張溫至紀騭晉自宣帝至滕

演宋自武帝至袁粲齊自竟陵二十卷至張融玉海

六十卷梁始於文帝後魏始於文帝後周陳隋皆有



集錄唐之文自太宗四十卷至盧藏用三十卷凡一百十六家不著錄自玄宗至羅衮皆集也李嶠至皎然皆詩也盧獻卿至李山甫皆賦也陸贄至薛廷珪皆制詞也郭元振至趙璘皆表奏也四六若崔致遠贊若崔融策若魏徵至劉蕡判若駱賓王至鄭寬

唐三類集錄

志丁部集錄其類有三曰楚辭別集總集凡著錄八百一十八家八百五十六部一萬一千九百二十三卷不著錄四百八家五千八百二十五卷楚辭自王逸注至道騫音七家七部三十二卷別集自荀況至盧

藏用七百三十六家七百五十部七千六百六十八

卷玄宗集至鄭寬百道判不著錄四百六家五千十

二卷

別集古人但以名氏命名張融始著玉海之號六十卷

**摠集**

見上

**舊志**

丁部集錄三類楚詞別集摠集共九百三十一部書

一萬一千八百六十二卷右集錄楚詞七家帝王二

十七家太子諸王二十一家七國趙楚各一家前漢

二十家後漢五十家魏四十六家蜀二家吳十四家

西晉一百十九東晉一百四十四宋六十南齊十二

梁五十九陳十四後魏十北齊四後周五隋十八唐

一百十二沙門七婦人七家摠集一百二十四家大

凡八百九十二部一萬二千二十八卷

此與母照目同

隋虞世南等四十人選文章自楚詞訖大業爲五千卷號文章總集

唐文史四家

志文史類四家四部十八卷李充翰林論三卷劉勰文心雕龍十卷顏竣詩例錄二卷鍾嶸詩評三卷

唐搖山玉彩

志類書類許敬宗搖山玉彩五百卷孝敬皇帝令太子太師許敬宗司議郎孟利貞崇賢館學士郭瑜顧胤右史董思恭等撰

孝敬皇帝傳名弘顯慶元年

爲皇太子四年加元服龍朔元年命賓客許敬宗右  
庶子許圜師中書侍郎上官儀中舍人楊思儉郎文  
思殿採摘古今文章英詞麗句以類相從號搖山玉  
彩鱗五百篇奏之帝賜帛三千段餘臣賜有差 會  
要龍朔三年十月一日遣司元太常伯竇德玄進詔  
藏書府

唐芳林要覽

志惣集類芳林要覽三百卷許敬宗顧胤許圜師上  
官儀楊思儉孟利貞姚璿竇德玄郭瑜董思恭元思  
敬集

唐麟閣詞英 麗正文苑 辭苑麗則

悉雜家麟閣詞英六十卷高宗時敕撰總集類麗正文苑二十卷許敬宗顧胤等集康顯辭苑麗則二十卷又康明貞二十卷 著錄

唐文館詞林

志雜傳記許敬宗文館詞林文人傳一百卷總集類

文館詞林一千卷許敬宗劉伯莊等撰崔玄暉訓注

文館詞林策二十卷 梁元帝著 詞林三卷 會要顯慶三年十

月二日許敬宗修文館詞林一千卷上之程元暉等

訓注垂拱二年二月十四日新羅王金政明遣使請

唐禮并雜文章令所司寫吉凶要禮并於文館詞林  
采其詞涉規戒者勒成五十卷賜之

**崇文目文館**

詞林彈事四卷

唐珠英學士集

**志**五卷崔融集武后時修三教珠英學士李嶠張說  
等詩

唐金門待詔集

**志**劉允濟十卷

唐花萼集 聯珠集

**志**李氏花萼集二十卷李又尚一尚貞竇氏聯珠集

三河卷三  
五卷竇群常牟庠羣

皆工辭章  
星然合一百首

義取兄弟若五  
書目一卷

### 唐文府

**志**徐堅文府二十卷開元中詔張說括文選外文章  
乃命堅與賀知章趙冬曦分門討會詔從之堅乃先  
集詩賦二類爲文府上之餘不能就而罷 **會要**闕

元十九年二月禮部員外郎徐安正等撰文府二十  
卷上之 **集賢注記**燕公初入院奉詔搜括文選外

文章別撰一部於是徐常侍及賀趙分部檢討徐等  
且集詩賦二類獨簡雜文歷年撰成三十卷燕公以  
所撰非精更加研考及蕭令 **嵩**知院以文選是先祖

所撰喜於嗣美

十九年嵩爲學士知院事

奏皇甫彬徐安正孫逖

張環修續文選徐孫所取與常侍相乖別爲二十卷  
張始興嫌其取舍未允其事竟寢

**志**雜家徐陵文府七卷宗道寧注別集類李道古  
與三十卷

唐麗文集

**志**劉明素麗文集五卷與元中集李吉甫麗則集五  
卷

唐貞觀新書

**志**唐稟三十卷集貞觀以前文章



唐大和通選

**裴潏傳**潏嘗哀古今文章以續梁昭明太子文選自號大和通選上之當時文士非與遊者不取世恨其隘

**志**裴潏大和通選三十卷

**會要**大和八年四月集賢學士裴潏上通選三十卷

唐古今文集略 類表

**志**李吉甫古今文集略二十卷又類表五十卷亦名表啓集

**書目**李吉甫集梁陳汜唐開元歌詩三百二十首爲麗則集五卷又集唐人表章牋啓露布等爲類表五十卷

**崇文**唐初表草一卷

唐詞圃

志類書張仲素詞圃十卷

書目張仲素編經傳以

字數虛實等類相從為十篇為詞賦之備

志孟利貞碧玉芳林四百五十卷玉藻瓊林一百卷

劉綺莊集類一百卷

集傳記雜事一類者

唐西漢文類 東漢文類

志柳宗直西漢文類四十卷

宗元序之其書不傳宋朝陶叔獻類次為四

十卷梅堯臣序竇嚴東漢文類三十卷 中興書目竇嚴類

次後漢書中詔冊及群臣書表章議檄對策說問文

賦歌詩附以詭曄序論

隋志梁有漢書文府三卷蕭琛撰

唐文章龜鑑

志文史類倪宥文章龜鑑一卷孫郃文格二卷

唐古今類聚策苑

志周仁瞻十四卷

唐續古今詩苑英辭

書目十卷唐僧惠淨集梁大同至唐永徽合一百五十四人詩五百四十八首以續劉孝孫古今類聚詩苑

雍熙文苑英華

會要

兼寶訓

太平興國七年九月帝以諸家文集其

至繁各擅所長蔡蕪相間乃命翰林學士承旨李昉  
學士扈蒙直院徐鉉中書舍人宋白知制誥賈黃中  
呂蒙正李至司封員外郎李穆庫部員外郎楊徽之  
監察御史李範祕書監丞楊礪著作佐郎吳淑呂文  
仲胡汀戴貽慶國子監丞杜鎬將作監丞舒雅

凡十

七人以徽之尤精風雅特命編詩爲百八十卷

閱前

代文章撮其精要以類分之爲千卷目錄五十卷雍  
熙三年十二月壬寅書成號曰文苑英華後李昉等  
相繼改外任續命翰林學士蘇易簡等共成之帝覽

之稱善降詔褒諭以書付史館賜器帛各有差景

德四年八月丁巳詔三館分校文苑英華以前所編

次未盡允愜遂令文臣擇前賢文章重加編錄芟繁

補缺換易之卷數如舊景德中上謂宰臣曰今方外

苑英華先帝續次當擇館閣文學之士校正與李善文選並鏤板頒布庶有益於學者實錄

雍熙三年十二月壬寅翰林學士宋白等上宋白等

繙經史堂列縑細咀嚼英腴總覽翹秀撮其類列上

分以布居使沿派者得其餘波慕味者接其唱

覽而善之詔答曰近代以來斯文浸盛雖述作甚多

而研蚩不辨遂令編緝止取菁英所謂擿鸞鳳之羽

毛截犀象之牙角書成來上實有可觀宜付史館景

德四年八月丁巳命直館校理校勘文苑英華及文  
選摹印放行祥符二年十月己亥命太常博士石待  
問校勘十二月辛未又命張秉薛映戚綸陳彭年覆  
校 孝宗以祕閣本多舛錯命周必大校讐以進淳  
熙八年正月二十二日以一百十冊藏祕閣

淳熙唐登科文選

三年正月樂史上登科記三十二卷唐登科文選五  
十卷

崇文  
目同

唐孝悌錄十五卷

景德西崑酬唱集

書目二卷景德中楊億與錢惟演劉式李宗諤晁迥

及同館唱和七言五言律詩二百四十七首

祥符唐文粹

姚鉉纂百卷祥符四年祀汾陰后土之月集文粹成  
古賦樂章歌詩贊頌碑銘文論箴表傳錄書序止以  
古雅爲命不以彫繁爲工天禧四年六月鉉子嗣復  
上之癸巳以嗣復爲永城簿 晁氏志鉉字寶臣廬  
州人采唐世文章分門編類初爲五十卷後復增廣  
之爲薛映椅其事卒後其子以其書上詔藏內府  
書目紹興中樊汝霖集唐人文不九於新書傳者五  
百二十九篇名唐書文藝補六十三卷

宋朝集選

晏殊集類古今文章為集選二百卷

刪次梁陳迄唐

楊億集當世述作為筆苑時文錄數十編  
慶曆五年李淑上光祿丞謝曄所編集鑒五月六日賜同出身

晁文莊公宗慤以文選續文選藝文類聚初學記文苑英華南北朝洎隋唐人文集美字粹語分百七十有四門十卷名曰文林啓秀  
宋白類故事千餘門  
號建章集

聖宋文粹



書目三十卷又聖宋文選十六卷

謝氏蘭玉集

書目十卷集謝安而下子孫歷宋齊陳凡十有六人詩三百四十餘篇序題吳興汪聞

淳熙皇朝文鑑

孝宗命著作郎呂祖謙發三館四庫之所藏裒摭紳  
故家之所錄所得文集斷自中興以前彙次古賦詩  
騷典冊詔誥表章奏疏箴銘贊頌碑記論序書啓雜  
者以至律賦經義定為一百五十卷凡六十一門承  
詔於淳熙四年之仲冬庚戌奏御於六年之正月

未賜名曰皇朝文鑑而命周必大爲之序畧曰建隆

雍熙之間其文偉咸平景德之際其文博天聖明道

之辭古熙寧元祐之辭達

祖謙云國初文人尚少故所取稍寬仁宗以後文士

輩出故所取稍嚴

大雅之詩棧樸官人也早麓受祖也俱以

作人爲言蓋魚躍于淵氣使之也追琢其章理貫之

也雲漢昭于上豈弟施于下濟濟多士其有不觀感

而化者乎先是臨安書坊有江鈿新編文海淳熙四

年酉十一月命校正刻板壬寅學士局必大召對清

華閣奏委館閣官銓擇甲辰以命祖謙因請增損銓

次庚戌許之六年正月癸未上對大臣問之祖謙乃

以書進二月壬戌除祖直祕閣丙午命必大撰序  
四月辛卯賜名文鑑後別命他官修定而鋟版之議  
寢 孝宗謂采取精詳有益治道 朱文公謂此書  
編次篇篇有意

真文忠公德秀集文章正宗以明義理切世用爲主  
又有續文章正宗

陸機曰詩緣情而綺靡賦體物而瀏亮碑披文以相  
質誄纏繚而悽愴銘博約而溫潤箴頓挫而清壯頌  
優游以彬蔚論精微而朗暢奏平徹以閑雅說煒燁

而譎誑雖區分之在茲亦禁邪而制放要辭達而理  
舉故無取乎冗長 韓愈曰將斬至於古之立言者  
則無望其速成無誘於勢利養其根而俟其實加其  
膏而希其光根之茂者其實遂膏之沃者其光曄仁  
義之人其言藹如也進學解曰沈浸醲郁含英咀華  
作爲文章其書滿架上規姚姒渾渾無涯周誥殷盤  
浩屬聲牙春秋謹嚴左氏浮誇易竒而法詩正而葩  
下逮莊騷太史所錄子雲相同同工異曲先生之於  
文可謂閱其中而肆其外矣 柳宗元曰吾每爲文  
章未嘗敢以輕心掉之懼其剽而不留也未嘗敢以

怠心易之懼其弛而不嚴也未嘗敢以昏氣出之懼其昧沒而雜也未嘗敢以矜氣作之懼其偃蹇而驕也抑之欲其與揚之欲其明踈之欲其通廉之欲其節激而發之欲其清固而存之欲其重此吾之所以羽翼夫道也本之書以求其質本之詩以求其常本之禮以求其宜本之春秋以求其斷本之易以求其動此吾所以取其道之原也參之穀梁氏以厲其氣參之荀孟以暢其支參之莊老以肆其端參之國語以博其趣參之離騷以致其幽參之太史公以著其潔此吾所以旁推交通而以爲之文也又曰文有二道

辭令褒貶本乎著述導揚諷諭本乎比興著述者流  
蓋出於書之謨訓易之象繫春秋之筆削比興者流  
蓋出於虞夏之誅歌殷周之風雅秉筆之士罕有兼  
者唐興以來稱是選而不作者陳拾遺子昂其後燕

文貞

張說

以著述之餘攻比興而莫能極張曲江九

齡以比興之隙窮著述而不克備汪藻曰古之作

者無意於文也理至而文隨之六經之書皆是物也  
逮左氏屈原始以文章自爲一家而稍與經分漢公  
孫弘董仲舒蕭望之匡衡以經術顯司馬遷相如枚  
乘王褒以文章著當是時已不能合而爲一至後世

流別而爲六七靡靡然入於流連光景之文其去經遠矣 朱熹曰自聖學不傳世之爲士者不知學之有本而惟書之讀則所以求於書不越乎記誦訓詁文詞之間以鈞聲名干祿利而已是以天下之書愈多而理愈昧學者之事愈勤而心愈放詞章愈麗論議愈高而其德業事功之實愈無以逮乎古人然非書之罪也讀者不知學之有本而無以爲之地也 學者稍厭折揚黃華而窺咸韶之音 用三代文章律度當世辭嚴義密追古作者如彈有虞氏之琴鼓清廟之瑟一唱而三歎也大音希聲震越潭澗如鈞

天之奏撞千石之鍾振萬石之虜也 大呂勁鳴洪  
鐘橫撞 戛切韶護 堯醲舜薰 入神出天 氣  
平理夷 日星垂而江漢流 鉅手魁筆磊落相望  
續典紹謨還雅歸頌凌躒百代直趨三王 魁竒偉  
麗九鼎十鼓震越渾鐙歌周頌魯

承詔撰述 類書

學古貴乎博患其不精記事貴乎要患其不備古  
昔所專必憑簡策綜貫群典約爲成書

漢新語



見著書類

魏皇覽

魏志文帝好學黃初中散騎侍郎劉劭等受詔集五

經群書以類相從凡千餘篇號曰皇覽見劭傳文帝紀使諸儒

撰集經傳隨類相從魏略常侍王象受詔撰皇覽使象領秘

書監象從元康元年始撰集數歲成藏於秘府合四

十餘部部有數十篇通合八百餘萬字史記注引之索隱曰是王

覽繆襲等撰隋志雜家皇覽一百二十卷繆卜等撰梁

六百八十卷何承天合一百二十三卷徐爰合五十

卷目四卷梁蕭琛抄二十卷唐志何承天并合皇

覽一百二十二卷徐爰并合皇覽八十四卷類事

之書始于皇覽

常誕諸人授

建雲臺者非一枝成珍裘者非一掖言集之者衆也

### 晉陸機要覽

唐志雜家陸士衡要覽三卷書且一卷機自序云

直省之暇乃集要術三篇上曰連璧集其嘉名取其

連類中曰述聞寔述予之所聞下曰析名乃搜同辨

異也

陸機集十卷以文賦爲首  
雲集十卷以逸民賦爲首

### 梁華林遍畧

梁書天監十五年敕太子詹事徐勉舉學士入華林

撰遍略勉舉何思澄顧協劉杳王子雲鍾嶼等五人

應選八年乃成合七百卷

劉峻類苑成凡一百二十卷武帝卽命諸學士撰華

共遍畧以高之

唐志徐勣華林要畧六百卷

隋志六百

二十卷徐僧權等撰

隋志

唐志

梁劉孝標類苑一百二十卷

梁七錄八十二卷

劉

杳壽光書苑二百卷

陶弘景著學苑百卷張纘著

鴻寶一百卷

梁謚法

歷代謚法

書目

沈約謚法十卷案約序大戴禮及世本舊並有

謚法而二書傳至約時已亡其篇唯取周書及劉熙

謚法廣謚舊文仍采乘輿帝王世紀謚法篇之異者  
以爲此書首列周書二篇  
以熙爲本叙次舊文  
廣謚及乘輿謚法各於其  
本文所出自周迄宋

帝王名臣凡有謚者並列其人名號於左方今本卷  
數存文多舛梁賀琛謚法三卷采舊謚法及廣謚又

益以已所撰新謚分君臣婦人三卷卷各分美平惡

三等

梁書琛精三禮高祖詔  
撰新謚法至今施用

其條比沈約謚例頗多

亦有約載而琛不取者續古今謚法十四卷唐王彥  
威撰續沈約謚例博采傳記掎摭衆流起自南齊迄  
于唐代錯綜名謚以類相從又分單複其唐帝后謚

別爲尊謚凡一卷編定六家謚法二十卷判太常寺  
范鎮同判寺周沆掌禹錫張瓌呂公著王獫同知禮  
院王瓘呂夏卿李育雍子方禮院編纂姚闢蘇洵等  
撰取周公春秋廣謚沈約賀琛及扈蒙六家別其同  
異去其重複刊謬補缺集爲一書謚法三卷蘇洵撰  
嘉祐中采今文尚書汲冢師春蔡邕獨斷加以新意  
得一百六十八謚三百十一條又爲總論一篇辨論  
三篇以盡去取之意而表上之論四篇今不入此書  
又見皇朝謚錄二十卷蘇洵撰洵爲歷代謚錄自周  
至顯德爲皇朝謚錄上自祖宗下逮卿相其有議者

皆列之於左凡三十五卷今缺歷代謚錄十五卷政  
和修定謚法八十卷蔡攸等修定爲六家沿革統論  
一卷參照六家二十六卷看詳六家三十五卷增立  
謚法十卷又合是三者著爲定謚爲修定謚法六卷  
總目二卷合八十卷上之內參照二十六卷缺蔡攸  
治平中周沆所上者蓋時禁  
元祐學術以出於蘇洵故也謚法三卷紹興中鄭樵  
撰

梁金海

南史武帝撰金海三十卷

北齊修文殿御覽

唐志祖孝徵等修文殿御覽三百六十卷

崇文目同  
書目有

之采據群書分二百四十部以集之

修文殿御覽放天地之數爲

五十部象乾坤之策成三百六十卷

書目

北齊聖壽堂御覽

陽休之傳武平三年與朝士撰聖壽堂御覽

隋志

雜家三百六十卷

陽休之取芳林遍畧加十六國春秋六經拾遺錄魏史爲玄洲苑御覽後改爲聖壽堂祖珽等又改爲修文殿上之

唐十七家類書

志丙部子錄十五曰類書十七家二十四部七千二

百八十八卷始於何承天并合皇覽次以徐爰并合

皇覽劉孝標類苑劉杳壽光書苑徐勉華林遍畧祖

孝徵等修文殿御覽虞綽等長洲玉鏡諸葛穎玄門

寶海一百二卷張氏書圖泉海七十卷隋志張式高士廉等文

思博要許敬宗搖山玉彩累璧東殿新書歐陽詢藝

文類聚虞世南北堂書鈔一百七十三卷張太素策府五百八十

二卷武后玄覽一百卷張昌宗等三教珠英孟利貞碧玉

芳林四百五十卷玉藻瓊林一百卷失姓名三家要錄六十

卷檢事書二百六十卷帝王要覽二十卷不著錄者



自王義方筆海

十卷

玄宗事類

一百三十卷

初學記

三十卷及

政典通典會要終於劉揚名戚苑纂要袁說戚苑英  
華凡三十二家一千三百三十八卷 崇文目類書  
四十六部四千六百五十卷始於太平御覽又五十  
一部八百六十五卷終於摺紳集

### 唐群書治要

志雜家魏徵群書治要五十卷劉伯莊音五卷

會

要貞觀五年九月二十七日

癸未

秘書監魏徵撰群

書理要上之太宗欲覽前王得失爰自六經訖于諸  
子上始五帝下盡晉年徵與虞世南褚亮蕭德言等

成五十卷上之諸王各賜一本

實錄作政要書之賜始於儲貳

蕭德言傳太宗欲知前代得失詔魏徵虞世南褚亮及德言袁次經史百氏帝王所以興衰者上之帝愛其書博而要曰使我稽古臨事不惑者公等力也賚賜尤渥

李泌事見王政記

群書政要序例俯協

堯舜式遵稽古以爲六籍紛綸百家踳駁窮理盡性則勞而少功周覽泛觀則博而寡要爰命臣等採摭群書自六經訖諸子始五帝盡晉年凡爲五帙合五十卷本求政要故以政要爲名並棄春華采秋實庶弘茲九德簡而易從觀彼百王不疾而速太宗覽之

稱善敕太子諸王各傳一本賜微帛二百匹 集賢

注記天寶十三載十月敕院內別寫群書政要刊出  
所引道德經文先是院中進魏文正所撰群書政要  
上覽之稱善令寫十數本分賜太子以下 鄴侯家

傳上曰朕欲知有古政理之要而史籍廣博卒難尋  
究讀何書而可對曰昔魏徵爲太子畧群書之言理  
道者撰成五十卷謂之群書理要今集賢合有本又  
肅宗朝宰相裴遵慶撰自上古已來至貞觀帝王成  
敗之政謂之王政紀凡六十卷比寫本送臣欲令進  
獻於先朝竟未果其書見在臣請進之以廣聖聰上

曰此尤善也宜卽進來於是表獻 中興書目十卷  
祕閣所錄唐人墨蹟乾道七年寫副本藏之起第十  
一止二十卷餘不存

隋志崔安帝王集要三十卷 唐志元氏類集三

卷

續集古今  
刑政之書

唐藝文類聚

志歐陽詢藝文類聚一百卷令狐德棻袁朗趙弘智  
等同修 歐陽詢傳武德七年詔與裴矩陳叔達撰  
藝文類聚一百卷奏之賜帛二百段 會要武德七  
年九月十七日給事中歐陽詢奉敕撰藝文類聚成

上之 中興書目一百卷分門類事附見前世詩賦  
贊頌牋啓之作 序曰流別文選專取其文皇覽遍  
畧直書其事

唐文思博要

文樞秘要

志文思博要一千二百卷目十二卷右僕射高士廉  
左僕射房玄齡特進魏徵中書令楊師道岑文本顏  
相時朱子奢劉伯莊馬嘉運許敬宗崔行功呂才李  
淳風褚遂良姚思廉司馬宅相等奉詔撰貞觀十五  
年上凡一百二十帙文思殿名龍  
朔中許敬宗於此撰會要貞觀十  
五年六月十五日上詔藏秘閣志同撰人無崔行功  
李淳風有秘書郎宋

正又  
餘同

文苑英華高士廉序云精義窮神微言探贖  
觀書貴要則十家並馳觀要貴博則七畧殊致摠質  
文而分流混古今而共轍萬物雖衆可以同類千里  
雖遙可以同聲頓天網於蓬萊網目自舉馳雲車於  
策府轍迹可尋義出六經事兼百氏究帝王之則極  
聖賢之訓豈止刻石漢京垂金秦市比丘明之作傳  
侔子長之著書

墳素之苑圃文章之江海

書目一

卷大中十年秘書監楊漢公奏排理亂書得此書第  
一百七十二一卷墨蹟今藏于皇朝祕閣乾道七年  
錄副本藏之集庫

志目錄類尹植文樞祕要目七卷鈔文思博要藝文

類聚爲之

崇文  
目同

崔融請修書表云近代書鈔實繁如華林遍畧修文  
御覽壽光書苑長洲玉鏡及國家新撰藝文類聚文  
思博要等

唐北堂書鈔

志虞世南一百七十三卷

崇文  
目同

中興書目

十卷虞世南於省後堂集群書中事可爲文用者號

北堂書鈔分一百六十門

晁氏志云一百七十三卷  
分八十部八百類又世

南兔園策十卷纂古今事  
爲四十八門皆偶麗之語

二館舊闕虞世南北堂

書鈔惟趙安仁家有本真宗命內侍取之嘉其好古  
手詔褒美

唐東殿新書

志東殿新書二百卷許敬宗李義府奉詔於武德殿  
內修撰其書自史記至晉書刪其繁辭龍朔元年一作  
二上高宗製序 會要顯慶元年十月詔禮部尚書

弘文館學士許敬宗等修東殿新書成上口略看數  
卷全不似抄撮文書又日月復淺豈不是卿等用意  
至此因新製序四百八十字

舊紀顯慶元年五月  
巳卯進上自製序

許敬宗傳自貞觀以後論次諸書自晉盡隋及東殿



新書西域圖志姓氏錄新禮等數十種 劉禕之傳

遷右史弘文館直學士上元中與元萬頃等偕召入禁中論次新書凡千餘篇

唐累壁

志累壁四百卷又目錄四卷許敬宗等撰龍朔元年上會要龍朔元年六月二十六日中書令許敬宗等撰累壁六百三十卷上之舊紀龍朔元年六月與實進六百三十卷目錄

隋志

隋志梁庾肩吾採壁三卷

唐三教珠英

志三教珠英一千三百卷日十三卷張昌宗李嶠崔

混閻朝隱徐彥伯張說沈佺期宋之問富嘉謩喬備

貧半千薛曜等撰開成初

二年十月辛卯朔

改為海內珠英

武后所改字並復舊

又武后玄覽一百卷

會要大

足元年十一月十二日麟臺監張昌宗撰三教珠英

一千二百卷成上之初聖曆中上以御覽及文思博

要等書聚事多未周備遂令張昌宗召李嶠及魏知

古于季子王無競沈佺期王適徐堅尹元凱張說馬

吉甫元希聲李處正高備劉知幾房元陽宋之問崔

湜韋元旦楊齊哲富嘉謩蔣鳳等二十六人

無喬備劉禹

錫集云珠英卷後列學士姓名蔣鳳

白衣在選一本異少微亦預脩同撰於舊書外

更加佛道二教及親屬姓名方域等部開成二年十月敕改天后朝所撰三教珠英爲海內珠英列傳徐彥伯武后撰三教珠英取文辭皆天下選而彥伯李嶠居首朱敬則張易之集名儒撰三教珠英又繪武三思李嶠味道李迥秀王紹宗等十八人像爲圖欲引敬則固辭不與世絜其爲人張昌宗入禁中論著引李嶠等三十六人撰三教珠英徐堅與徐彥伯劉知幾張說等與修三教珠英時張昌宗李嶠總領彌年不下筆堅與說專意撰綜條彙粗立諸儒因之乃成書李適修三教珠英與劉允濟在選

志摠集有珠英學士集五卷崔融集學士李嶠張說等四十七人詩摠二百七十六首

唐初學記

志初學記三十卷張說類集要事以教諸王徐堅韋述余欽施敬本張烜李銳孫季良等分撰

唐平臺祕略

王勃傳沛王聞其名召爲府脩撰論次平臺祕略書成王愛重之

集序云撰平臺鈔畧十篇書就賜帛五十匹

文苑英華有

論有贊論十首孝行正修文藝忠武益政尊師褒

容幼俊規諷慎終

唐白氏經史事類

志三十卷白居易一名六帖書目白居易以天地

事分門類爲聲偶而不載所出

唐十九部書語類

志類書是光又十卷開元祕書監正字上授集賢院  
修撰後賜姓齊集賢注記開元二十二年十一月

祕書正字是光又上十九部書語類敕留院修撰

目十卷舊史鄭澣撰經史要錄成文宗以十九書語

類發問見錄類

建隆新撰名臣事跡

四年十月戊午吏部尚書張昭上新撰名臣事跡五卷詔藏之書府

昭傳云所著嘉善集五十卷名臣事跡五卷

太平興國太平御覽 太平廣記

寶錄太平興國二年三月戊寅詔翰林學士李昉扈蒙左補闕知制誥李穆太子少詹事湯悅太子率更令徐鉉太子中允張洎左補闕李克勤右拾遺宋白太子中允陳鄂光祿寺丞徐用賓太府寺丞吳淑國子寺丞舒雅少府監丞呂文仲阮思道等十四人同以

前代修文御覽藝文類聚文思博要及諸書分門編爲一千卷又以野史傳記小說雜編爲五百卷八年

十一月庚辰詔史館所修太平總類一千卷宜令日  
進三卷朕當親覽焉自十二月一日爲始宰相宋琪  
等言曰天寒景短日閱三卷恐聖躬疲倦上曰朕性  
喜讀書頗得其趣開卷有益豈徒然也因知好學者  
讀萬卷書非虛語耳十二月庚子書成凡五十四門  
書日云雜采經史傳記小說自天  
地事物迄皇帝王霸分類編次詔曰史館新纂太  
平總類一千卷包括群書指掌千古頗資乙夜之覽  
何止名山之藏用錫嘉稱以傳來裔可改名太平御  
覽戊申上於禁中讀書一云清  
心殿自己巳時至申時始罷  
有蒼鶴一作  
鶴自上始開卷飛止殿鴟尾逮掩卷而去

上恠之以語近臣宰相宋琪對曰此上好學之感也昔楊震方講間有鸛雀銜三鱸魚墮於庭亦同其應

一會要先是帝閱類書門目紛雜遂詔修此書與國

二年三月詔昉等取野史小說集爲五百卷五十五部天部

至百三年八月書成號曰太平廣記二年三月戊寅所集八年十二月

貞子六年詔令鏤版廣記鏤本頒天下言者以爲非學者所急墨板藏太清

樓二書所命官皆同唯克勤用賓思道改他官續命

太子中允王克正董淳直史館趙隣幾預焉

### 淳化太平雜編

二年八月癸酉參政張齊賢獻太平雜編二卷崇文日卷



同付史館

所法歷聞見及賦詠皆編類之

景德冊府元龜

景德二年九月丁卯命資政殿學士王欽若知制誥楊億修歷代君臣事迹欽若等奏請直秘閣錢惟演刁衍龍圖閣待制杜鎬戚綸直集賢院李維直史館王希逸陳彭年姜嶼陳越太子右贊善大夫宋貽序同編脩初令惟演等各撰編目送欽若暨億參詳欽若等又自撰集上用欽若等所撰爲定有未盡者奉旨增之又令內臣劉承珪劉崇超典其事編修官供帳飲饌皆異常等俄又令秘書丞陳從易校理劉筠

同編修又直館查道太常博士王曉未成又增直集  
賢院夏竦職方員外郎孫奭注撰音義三年四月丙  
子四年八月壬寅車駕再幸編脩之所再閱門類楊  
億悉以條對編次未及倫理者改正之帝曰朕編此  
書蓋取著歷代君臣德美之事爲將來取法至於開  
卷覽古亦頗資於學者皆命從官坐賜編修官器幣  
王欽若以南北史有索虜島夷之號欲改去王旦曰  
舊史文不可改趙安仁曰杜預注春秋以長歷推甲  
子多誤亦不敢改但注云日月必有誤乃詔欲改者注  
釋其下凡所錄以經籍爲先億又以羣書中如西京

雜記明皇雜錄之類皆繁碎不可與經史並行今並不取止以國語戰國策管孟韓子淮南子晏子春秋呂氏春秋韓詩外傳與經史俱編歷代類書修文殿御覽之類采摭銓擇凡三十一部部有總序千二百四門門有小序初撰篇序諸儒皆作帝以體例不一祥符元年二月丙午遂擇李維等六人撰訖付楊億竄定五月甲申手札詔凡悖惡之事及不足爲訓者悉刪去之日進草三卷帝親覽之擿其舛誤多出手書詰問或召對指示商略三月丁卯詔或有增改事標記覆闕之

二年十月丁未手札令欽若等書名其增損悉書之

凡八年而成

之六年八月十三日壬申欽若等以獻進表曰推明  
凡例分別部居皆仰稟於宸謨惟奉遵於成憲刊除  
非當隱括無遺每煩乙夜之覽觀率自清衷而裁定  
昔甘露石渠止於議奏開元麗正徒有使名矧皇覽  
博要之言玉鑑珠英之作但詞林之見采非治本之  
宜先洪惟上聖之能獨出百王之首

崇政殿  
進呈

凡千卷

目錄十卷音義十卷詔題日冊府元龜御製序序曰  
太宗皇帝始則編小說而成廣記纂百氏而著御覽  
集章句而製文苑聚方書而撰神醫次復刊廣疏於  
九經校闕疑於三史修古學於篆籀總妙言於釋老

洪猷丕顯能事畢陳朕遵先志肇振斯文載命群  
儒共司綴緝粵自正統至于閏位君臣善迹邦家美  
政禮樂沿革法命寬猛官師論議多士各行靡不具  
載用存典刑凡勒成一千一百四門門有小序述其  
指歸分爲三千一部部有總序言其經制凡一千卷  
祥符八年十二月乙丑欽若等上版  
本宴編修官上作詩一章賜令屬和 一本云景德  
四年九月戊辰上謂輔臣曰所編君臣事迹蓋欲垂  
爲典法異端小說咸所不取觀所著篇序援據經史  
頗盡體要而誠勸之理有所未盡也欽若等曰自續  
集此書發凡起例類事分門皆上稟聖意授之群官

間有疑滯皆荅陳論今蒙宣諭動以懲勸爲本垂世之急務也十月癸亥上謂輔臣曰朕每因暇日閱君

臣事迹草本遇事簡則從容省覽事多或至夜漏二

鼓乃終卷

編修官自王欽若陳彭年至劉筠十一人景德二年奉敕編修楊意至宋貽序七

人天禧四年閏十二月癸丑賜輔臣各一部景祐四年二月

甲子賜御及基

帝王部一百二十八門 閩位七十八門 僭偽三

十七門 列國君四十門 儲官十七門 宗室四

十二門 外戚二十三門 宰輔四十一門 將帥

一百六門 臺省二十九門 邦計二十九門 憲

官十五門 諫諍六門 諷諭八門 國史十三門  
掌禮九門 學校十五門 刑法九門 鄉監十  
五門 環衛九門 銓選八門 貢舉十門 奉使  
十七門 內臣十大門 牧宰四十二門 令長二  
十一門 宮臣十一門 幕府十六門 陪臣二十  
一門 總錄二百四十一門 外臣三十四門  
唐志類書有張大素策府五百八十二卷

祥符彤管懿範

八年閏六月庚辰樞密使王欽若上奉詔編修后妃  
事迹七十七卷

崇文目類書類七十卷

賜名彤管懿範大約如

册府元龜凡六部百四十門詔欽若撰序先是元年詔婦人事  
別爲一書九月丙寅欽若上所撰序又見宗戚類

乾興天和殿御覽 邇英要覽

乾興初命翰林侍讀學士晏殊等於册府元龜中掇其善美事得其要者四十卷爲二百一十五門書目

中撰 崇文 名曰天和殿御覽 天和殿禁中藏 仁宗

嘗謂輔臣曰天和殿御覽可命校定模本刊行之因

言朕聽政之暇於舊史無所不觀思考歷代治亂事  
迹以爲監戒 晏殊序曰上稽雅誥下采信書削糟

粕之繁撮丹青之要 實錄天聖二年五月甲寅內



出天和殿御覽四十卷隋書八十五卷下秘閣鏤板  
丁度傳著邇英聖覽十卷龜鑑精義三卷編年總  
錄八卷

寶元詩苑類格

二年翰林學士李淑承詔編爲三卷上卷首以真宗  
御製八篇條解聲律爲常格別二篇爲變格又以沈  
約而下二十二人評詩者次之中卷叙古詩雜體三  
十門下卷叙古人體製別有六十七門

國朝類要

范師道撰國朝類要一十二卷雜抄皇朝歷代事實

分類爲三百六十四門 晏殊類要七十四篇開禧  
二年正月晏表上之勒成一卷列爲二千六十一  
門書目七十七卷魯鞏序云七十四篇今多三篇 崇  
文目十五卷

嘉祐編定謚法 七家謚法

謚起於今文周書謚法篇

汲冢

有周公謚法

書目一卷

卽汲冢周書謚法篇也

春秋謚法廣謚沈約賀琛扈蒙六家之

書 蔡邕獨斷所載止四十六自  
劉乘沈賀之書謚法乃備

太平興國八年八

月辛亥詔增周公謚法五十五字命學士扈蒙等詳  
定其沈約賀琛續廣謚廢不行

美謚七十一字爲百  
字平謚七字爲二十

字惡謚十七  
嘉祐六年十月壬午禮院言雍熙中所

定字多舛誤請重修於是蘇洵編定六家謚法自周

公以來記爲三十五卷

政和三年十月王禹得言奉

常謚法自周公而下凡六家總二十卷請修成一書

六年十二月成八十卷六家舊書凡取四百六十二條修一百五十九條刪九百二條增立一百十七條

總二百七十九謚八百三十九條已丑詔行之

唐六興注舊有周官謚法大戴禮謚法又漢劉熙注

一卷 張靖撰兩卷又有廣謚一卷至梁沈約總集

凡有一百六十五條

南史裴子野附  
益謚法一卷

沈約謚例 序云周書謚法一第五十六謚法二第

五十七今汲冢書止一篇第五十四書目一卷

唯崇

文目有之學者就汲冢書採出

春秋謚法一卷

學者

就杜預釋例謚法篇採出

沈約案謚法上篇卷前云

禮大戴記後云周書謚法第四十二又云凡有一百

四十五謚案大戴禮及世本舊並有謚法今檢十許

本皆無周書謚法一第五十六謚法二第五十七上

篇有十餘謚下篇唯有第目無謚名與前所云第四

十二又不同矣今謚法二篇有一百四十八名卷後

又云靖按謚有一百九十四又云高光明章和順冲

七謚謚法無也而漢家用之約又檢二篇唯無光耳其餘並有而又多不同約又案靖應是張靖晉江左人也劉熙注謚法唯有七十六名所闕甚多或有異名殊號近世所不用耶又有廣謚一篇七十八謚與舊文多同時有異耳約以爲同是一謚而互出諸篇不相比次難爲尋覽劉熙既有注解時或有所發明今以熙所撰爲本又舊文二篇廣謚一卷悉少拔次第令各相隨各以其下注本文所出又自周氏以來迄于宋末帝王名凡有謚者並列其人名號於所謚之左方吳興人乘輿撰帝王世記其一篇是謚法今

代所異者 蘇洵摠論曰嘉祐六年七月詔修禮書  
十月詔古謚法有不可用者以屬修書之吏臣洵實  
典其事按治論謚者起於今文周書謚法之篇今文  
既以鄙野不傳其謚法之上篇獨存又簡略不備諸  
儒所傳又有周公春秋廣謚沈約賀琛紀綱粗備然琛好加  
書周公春秋爲名尤古然條貫尤爲雜亂而不精廣  
謚又踈略而不盡獨沈約賀琛紀綱粗備然琛好加  
以己意務爲多而無窮扈蒙最後出酌取諸家簡而  
不精六書之中稍近古而可據者莫如沈約然亦非  
古之謚法約言之詳矣其最奮者見於世本大戴禮

而約之時已不見於其書約徒得劉熙乘與之所增

廣

今隋唐志作帝王本紀隋書又作來與未知孰是

與廣謚以爲據依不聞

有所謂周公春秋者也璪又因約而加之以其意今  
周公春秋之法往往反取璪之新法而載之其書至  
王彥威蘇冕之書因前人之法附世人之謚非有他  
也賈山有言古者聖王作謚不過三四十世而蔡邕  
獨斷所載亦不過四十有六臣受詔之三年二月而  
謚法乃定凡一百六十有八沈約爲謚例記周已來  
帝王公卿之謚至宋而  
止王彥威繼賀琛之法有君謚臣謚婦人謚離而爲  
之至唐而止三今取而合之 婦人有謚自周景王之穆后始匹

夫有謚自東漢之隱者始宦者有謚自東漢之孫程  
始蠻夷有謚自東漢之蒞車始自周公以來籍而記  
之爲三十五卷善者可以勸惡者可以懼善惡之失  
當者可以長歎息也 宋敏求集類國朝謚幾二百  
人孫緯纂元豐後三百餘人爲集謚總錄一卷自宗  
室宰相以下分爲九等

七家謚法

周公

春秋

廣謚

沈約

賈琛

扈

蒙

蘇洵

自有謚法以來至治平禮院書成始有所  
去取而論定慶元五年太社令龔頤正會稗六家增  
入蘇洵揭本字其上列爲旁通其義有無分注于下



離爲八卷名七家謚法摠括卷一

諸家序篇謚論表二

君美十九字君臣美三十三字后附十八三臣美上

五十九字后附九四臣美下八十五字五君惡二十

一字君臣平四字六臣惡一百五字七婦人美六十

字婦人惡二十八字八通用四十四字諸家通二百

六十七字嘉祐所定一百九十八字

蘇洵曰周公

之書文尤繁雜不經春秋次之比周公甚簡而微爲  
不亂廣謚最簡比二書差爲齊一沈約所取以成書  
約採諸家其書最詳賀琛因而增之尤詳備而皆病  
於無所去取扈蒙新書其意妄僞反爲五家之所非

笑 李壁曰名周公者即汲冢周書謚法篇名春秋者即杜預釋例謚法篇唐及國史藝文志皆不載意近世學者就二書中采出

元祐邇英要覽

慶曆元年八月乙酉詔兩制檢閱唐書紀傳君臣事迹近於治道者日鈎一兩條上之以學士蘇紳言唐憲宗令近臣具前代得失之迹繪圖以備觀覽也

元祐二年十一月壬申詔講讀官邇不開講日具漢唐故事有益政體者二條進入從蘇頌之請也頌每進可爲規戒有補時政者述以已意反復言之四年

三月甲戌

三日

禮部尚書兼侍讀蘇頌等奏臣等撰

進漢唐故事得旨分門編修成冊進呈詔以邇英要覽爲名六月六日頌等進呈凡二十卷自修身至禦戎六十門元祐三年十月講讀官顏復范祖禹趙彥若孫覺李常蘇軾蘇頌孫固等奉旨撰建炎四年八月四日令侍從一自進前代本朝故事關法治體者一兩事從謝克家之言也後止命講讀官翰苑兩省進

紹興中興備覽

中興要覽

六年十月庚戌右僕射張浚人見上嘗召對便殿問

所宜爲且命以所聞見置策來上浚承命條列以進  
號中興備覽凡四十一篇莫不備具自議征伐至  
深嘉歎置之坐隅諸臣奏議云五八年二月戊午瓌  
州教授李昌言應詔撰成中興要覽十篇自始至終  
行之將來享治安不止恢復而已詔投進

乾道翰苑群書

乾道間洪遵纂唐李肇翰林志元稹承旨學士院記  
韋處厚學士記韋執誼翰林院故事楊鉅學士院舊  
規丁居晦壁記本朝李昉禁林燕會集錢惟演金坡  
遺事晁迥別書金坡遺事李宗諤雜記蘇易簡續志

蘇耆次續志沈該中興翰苑題名及學士年表翰苑

遺事

不著  
各氏

粹爲一書○三卷

小說九百比虞初之聿成奏牘三千效東方而爲獻  
藝文類聚會粹小說則失之雜群書理要事止興  
衰則病乎簡修文御覽門目紛錯又不足觀矣

玉海卷第五十四

玉海卷第五十五

浚儀王應麟伯厚甫

藝文

著書

雜著

別集

古之君子立言以明道修辭以成文文以貫道  
斯不朽矣

孔子盤孟書

漢志雜家孔甲盤孟二十六篇

孔甲黃帝

或曰夏

帝似皆非

田蚡傳學盤孟諸書注應劭曰黃帝史

孔甲所作銘也凡二十九篇書盤孟中所以爲法戒

孟康曰孔甲盤孟二十六篇雜家書兼儒墨名法

文選注七畧曰盤孟書者其傳言孔甲爲之孔甲者

黃帝之史也書盤孟中爲誠法朱穆傳注黃帝有

巾機之法孔甲有盤孟之誠蔡邕銘論

商伊尹書

漢志道家伊尹五十一篇湯相小說家伊尹說二十

七篇

其語淺薄似依託也

司馬相如上林賦盧橘夏孰應劭

注伊尹書曰箕山之東青鳥之所有盧橘夏孰說

苑臣術引湯問伊尹汲冢周書有伊尹朝獻商書

周太公金版玉匱

文選任昉王儉集序金版玉匱之書注七畧云太公  
金版玉匱雖近世之文然多善者

文選注又引太公

金匱

抱朴子鄭君有玉匱記金版經漢志道家

太公二百三十七篇

呂望爲周師尚父本有道者或有近世又以爲太公術者所增

也加謀八十一篇言七十一篇兵八十五篇論衡案

古太公望近世董仲舒造傳作書百有餘

衛武公懿戒

楚語左史倚相曰昔衛武公年數九十五矣猶箴儆  
於國曰自卿以下至于師長士苟在朝者無謂我老  
耄而舍我必恭恪於朝夕以交戒我在輿有旅賁之



規位宁有官師之典倚几有誦訓之諫居寢有誓御  
之箴臨事有誓史之道宴居有師工之誦史不失書  
矇不失誦以訓御之於是作懿戒以自儆注韋昭曰  
懿讀爲抑卽此篇也

大雅抑之篇

### 漢陸賈新語

陸賈傳高帝時賈爲大中大夫時說詩書帝曰爲我  
著秦所以失天下吾所以得之者及古成敗之國

高帝

紀天下既定命陸賈造新語賈凡著十二篇每奏一篇未嘗不稱

善稱其書曰新語漢志儒家陸賈二十三篇唐

志陸賈新語二卷

隋志崇文目同

今存于世者道基術事

政無為資賢至德懷慮纔七篇

史記余讀陸生

新語書十二篇固當世之辯士

班固賓戲

陸子優

繇新語以興及昔君之門闡究先聖之壺奧

隋志儒家顧子新語十二卷吳太常顧譚

唐志雜

史劉肅大唐新語十三卷元和中

漢賈誼新書 賈子 賈誼集

志儒家賈誼五十八篇又賦七篇

隋志賈子十卷

錄一卷漢梁太傅賈誼撰集四卷

唐志賈誼新書

十卷崇文目九卷 集二卷

中興書目十卷賈誼撰雜論治

道國體及經學胎教本七十二篇劉向刪定為五十

八篇。今皆存。本傳所載治安策。今釐爲數篇。各立題目。雜見于新書。班固贊誼云。所著述五十八篇。掇其切於世事者。著于傳。卽新書也。

注師古引賈誼書。

見第四卷  
匈奴篇

文紀注師古引賈誼

書曰。衛侯朝於周。周行人問其名。

新書目錄

一過秦上下

見史記  
秦紀

宗首數寧藩傷藩

疆大都等齊服疑盜壤

事勢

二權重五美制不定審

微階級

事勢

三俗激時變瑰瑋孽產子銅布

見食貨志 壹

通屬遠親䟽危亂憂民解縣威不信

事勢

四匈奴勢

卑淮難無蓄鑄錢

事勢

五傳職保傳

見大戴禮昭紀

連語輔

佐連語

問孝闕

六禮容經

見大戴禮

春秋

連語

七先醒耳

痺諭誠退遜君道

連語

八官人勸學道術六術道德

說雜事

九大政上下修政語上下雜事

十禮容語上

下上篇闕

胎教

見大戴禮

立後義傳

雜事本傳之語

傳即

五十八篇

十卷

漢晁氏新書

漢志法家晁錯三十一篇

唐志

法家晁氏新書七

卷晁錯

隋志朝氏新書三卷漢御史大夫朝錯撰

上別集朝錯集三卷亡

文選賓戲注引朝錯新書

曰帝王之道包之如海養之如春

漢淮南鴻烈

志雜家淮南內二十一篇外三十三篇注師古曰內

篇論道外篇雜說淮南王安傳安爲人好書招延

賓客方術之士數千人作爲內書二十一篇外書甚

衆又有中篇八卷言神仙黃白之術亦二千餘萬言

入朝獻內篇新出上祕之鴻烈二十一一篇其二十

篇原道倣真天文地形時則冥覽精神本經主術繆

稱齊俗道應汜論詮言兵畧說山說林人間脩務泰

族而終之以要畧隋志二十一卷許慎祭酒高

誘濮陽注唐志中興書目同蘇頌去其重序曰

安與蘇飛李尚左吳田由雷被毛披伍被晉昌等八人及諸儒大山小山之徒講論道德揔統仁義而著此書其旨近老子大較歸之於道號曰鴻烈鴻大也烈明也以為大明道之言也劉向校定又有十九篇謂之外篇

西京雜記

淮南王著鴻烈言大明禮教自

云字中皆挾風霜楊子雲以為一出一入

唐志淮

南王安集二卷

淮南鴻烈音二卷淮南王賦八十二篇

漢志

隋志縱橫家梁有湘東鴻烈十卷元帝撰

亡

漢董仲舒書

志儒家董仲舒百二十三篇春秋有公羊董仲舒治

獄十六篇、

董仲舒傳仲舒所著皆經術之意及上

疏條教凡百二十三篇而說春秋事得失間舉玉杯

蕃露清明竹林之屬復數十篇十餘萬言皆傳於後

世、宣紀注臣瓚引董仲舒書曰有其功無其意謂之

戾無其功有其意謂之罪、後紀明德馬后尤善周

官董仲舒書注玉杯蕃露清明竹林之屬、隋志董

仲舒集一卷

唐志二卷、書目一卷、士不遇賦、答制策、請公孫弘記室

崇文目

春秋繁露八十二篇義引宏博非出近世然其間篇

第亡舛無以是正又即用玉杯竹林題篇疑後人取

而附著云崇文目別集九十九部始於仲舒集一卷

漢五行志董仲舒治公羊春秋始推陰陽爲儒者宗  
文王世子注董仲舒曰五帝名大學曰成均

周禮大祝注引董仲舒救日食祝說文引董仲舒

曰古之造文者三畫而連其中謂之王三者天地人也而參通之者王也西京雜記有雨雹對文選

注董仲舒集七言琴歌二首後漢輿服志注引仲

舒止雨書初學記淮南子曰董仲舒請雨秋用桐

木魚

漢茂陵書

高紀相國鄼侯文紀薄姬食貨志武功爵注臣瓚引

嘉靖丙辰年定章程年文紀薄姬食貨志武功爵注臣瓚引監生楊于廷



茂陵書 史記索隱云亡於西晉 魏王肅曰武帝  
聞司馬遷述史記取孝景及己本紀覽之於是大怒  
削而投之於今此兩紀有缺無書

漢虞初周說

**志**小說家虞初周說九百四十三篇河南人武帝時  
方士侍郎號黃車使者應劭注其說以周書爲本師  
古曰史記虞初洛陽人即張衡西京賦小說九百本  
自虞初者也

漢新序 說苑 唐續說苑

劉向傳 向采傳記行事著新序說苑凡五十二篇奏之

新序陽朔元年二月癸卯上  
說苑鴻嘉四年三月己亥上

志儒家劉向所序六

十七篇注新序說苑世說列女傳頌圖

唐志儒家

類劉向新序三十卷

隋志又錄一卷

又說苑三十卷

隋志同文中

子讀說苑日可以輔教矣

中興書目

雜家新序十卷漢陽朔元

年劉向撰遠至舜禹次及周秦古人嘉言善行悉采

摭序載總一百八十三章說苑二十卷漢鴻嘉四年

劉向撰采傳記百家所載行事之迹凡二十篇總七

百八十四章上之。曾鞏序新序三十篇錄一篇隋

唐之世尚爲全書今可見者十篇而已向之序此書

於今最爲近古雖不能無失然遠至舜禹而次及於

周秦以來古人之嘉言善行亦徃往而在也說苑二十篇崇文總目云今存者五篇餘皆亡臣從士大夫間得之者十有五篇與舊爲二十篇正其脫謬疑者缺之而敘其篇目君道臣術建本立節貴德復恩政理尊賢正諫敬謹善說奉使權謀至公指武叢談雜言辨物修文反質

缺反質一卷鞏分修文爲上下後高麗進一卷遂足鞏校正爲之序

已上凡二十篇七百八十四章號曰說苑

後魏書

明元帝以劉向新序說苑於經典正義多有所闕乃撰新集三十篇采經史該洽古義云

唐書右拾遺

劉昺獻續說苑十篇廣向所遺刊其怪妄

志儒家十卷又李吉

南古今說  
苑十一卷

孔氏說林二卷孔衍撰蕭賁辯林二卷

漢法言

楊雄傳雄見諸子各以其知舛馳大氏詆訾聖人卽  
爲怪迂析辯詭辭以撓世事雖小辯終破大道而或  
衆使溺於所聞而不自知其非也及太史公記六國  
歷楚漢訖麟止不與聖人同是非頗謬於經故人時  
有問雄者常用法應之誤以爲十三卷象論語號曰  
法言文多不著獨著其目學行吾子修身問道問神  
問明寡見五百先知重黎淵騫君子孝至

志儒家

楊雄所序三十八篇太玄九法言十三樂四箴二

隋志楊子法言十五卷解一卷李軌注梁有六卷侯

苞注十三卷宋衷注楊雄集五卷唐志同書目

又二十四卷唐志楊子法言六卷宋衷注十卷李軌

注三卷柳宗元注十三卷宋朝司馬光集晉李軌

唐柳宗元本朝宋咸吳秘四家十二卷

漢儒家言

志儒家言十八篇不知作者

漢別集

漢志漢武帝集二卷見御集淮南王安集一卷唐二卷

本傳辨傳善為文辭為離騷傳又獻賈誼集四卷唐

頌德及長安都國頌及方技賦頌又上疏益淮陽地

二卷傳弔屈原賦服賦政事疏又上疏益淮陽地

為梁王立後諫王律南諸子凡所著述五十八篇檄

其切於世事朝錯集三卷唐志無傳遷博士上書

者著于傳事樂賢良策又言削諸侯事及法令可更枚乘集二

定者書凡三十篇論其施行之語著于篇枚乘集二

卷梁傳諫吳王書乘復游梁司馬遷集一卷唐志二卷

入篇梁客皆善屬辭乘尤高文選注引遷集悲不遇賦

書遷既死其書納出文選注引遷集悲不遇賦

東方朔集二卷傳上書董偃之罪對化民有道上善

陳農戰疆國之計著論荅客難非有先生論有封泰

山責和氏璧及皇太子生祿屏風殿上柏柱平樂觀

賦獵入言七言上下從公孫司馬相如集一卷唐

弘借車凡劉向所錄且是矣司馬相如集一卷唐

傳著子虛上人賦封神書他所著若遺平陵侯書與五

嘉靖丙辰年

監生楊行廷例

公相難董仲舒集一卷唐二卷相江都膠西王上疏諫

爭教令國中朝廷有大議對皆有孔滅集二卷李陵

集二卷文選有李魏相集二卷奏封事損霍氏權全

功臣之世白去副封上書諫擊匈奴右地明易有師

法好觀漢故事便宜章奏條奏便宜行事及賢臣所

言表承易陰陽及明堂月令奏之風雨災變輒奏言

封事有褒德張敞集一卷唐二卷封事請自治盜賊

書諫太后出游備王褒集五卷聖主得賢臣頌所幸

宮館輒為歌頌侍天子誦讀奇文及劉向集六卷唐

卷八篇書目五卷集者云首八卷隋本五卷今所存上

寔事書上封事著疾諛摠要救危及世頌凡八篇校

中五經祕書著洪範五行傳十一篇諫起昌陵言陳

湯功極諫王氏封事奏災異書博  
物洽聞通達古今其言有補於世  
陳湯集二卷唐志無

傳好書善屬文上疏自劾奏矯制  
陳言兵狀誅鄧支單于疏從初陵疏  
韋玄成集二卷以傳

明經修父業黜爵作詩自劾復作詩  
難罷郡國廟立親廟議玄成父賢其  
先韋孟家於鄒

谷永集二卷唐五卷傳博學經書  
書與王譚書王音書上疏訟陳湯薦  
薛宣說成帝絕

宮而杜鄴集二卷唐五卷傳對方  
淫祀善言災異前後所上四十餘事  
專攻上與後

李尋集二卷唐志無傳好洪範災異  
已而杜鄴集二卷唐五卷傳對方  
李尋集二卷唐志無傳好洪範災異

災師丹集一卷梁三卷唐志五卷  
異師丹集一卷成帝拜丁傳奪王氏權  
丹以得信於

皇上書數十多切直哀帝追尊定陶王  
皇置吏二千石以下為立廟京師丹議  
不可息夫躬

集一卷唐五卷大臣著絕命辭  
集一卷唐五卷大臣著絕命辭

楊雄集五卷好傳

集一卷唐五卷大臣著絕命辭  
楊雄集五卷好傳



學不為章句訓詁通而已嘗好辭賦作反離騷又旁

離騷作重一篇曰廣騷又旁借誦以下至懷沙一卷

名畔牢愁為甘泉賦河東賦校獵賦長楊賦或朝雄

以玄尚白雄解之號曰解朝客有難玄大深雄解之

號解難作九州箴劉歆集五卷傳少以通詩書能屬

諫宜許單于書禮古文尚書穆書責太常博士班婕妤集一卷無唐志

班昭集三卷唐志二卷傳作女誡七篇所著賦頌

崔篆集一卷傳以明經徵請公車自以受莽傷寵辭

唐林集一卷唐志史岑集二卷傳著頌誄復神東平

王蒼集五卷唐二卷傳議定南北郊冠冕車服制

河內上疏乞就蕃國上光武受命八旬數上書諫校獵

桓譚集五卷

唐二卷揚雄辨析世祖時上疏陳時政所宜著

陵自建武以來

章奏書記賦頌七言別字歌詩起

書言當世行事二十九篇曰馮衍集五卷傳說庶丹

新論著賦誄書奏二十六篇馮衍集五卷傳說庶丹

史士又以計說鮑永遺田邑書班彪集三卷命論所

上書陳八事集有與陰就書陳元集一卷唐志無

著賦論書記奏事合九篇上陳元集一卷唐志無

書言東宮諸王宜置師傳陳元集一卷唐志無

左氏傳又上疏言不王隆集二卷唐志王文山集

宜使有司察公輔王隆集二卷唐志王文山集

朱勅集二卷唐志梁鴻集二卷思高賦詩者書

十餘杜篤集一卷唐五卷傳為詩吳漢辭奏論都

雜文十八篇又著傅毅集二卷梁五卷唐五卷

明世論十五篇傅毅集二卷梁五卷唐五卷

作顯宗頌十篇著詩賦誄頌班固集十七卷唐十卷

祝文七激連珠二十八篇班固集十七卷唐十卷

歲能屬文及長博貫載籍奏記東平王蒼延英雄撰

世祖本紀又作列傳載記上兩都賦所著典引賓賦

應譏詩賦銘誄頌書文記論黃香集二卷傳遷尚書

議六言在者凡四十一篇

嘉靖丙辰年

卷之三十五

監生楊千廷刊

太守上疏讓所著賦

賤奏書令凡五篇

巡頌依婚禮結言達所著詩賦銘頌書記

表七依唐二卷傳永平中上疏獻左氏傳國語

梁二卷唐二卷傳永平中上疏獻左氏傳國語

解詰作神雀頌條奏左氏傳大義著經傳義詰及論

難百餘萬言又作詩頌劉駒餘集一卷梁二卷唐

中興以下名臣列十傳又李尤集五卷唐志無傳著

自造賦頌書論凡四篇又李尤集五卷唐志無傳著

頌七歎哀典賈章集二卷馬融崔瑗同好與崔瑗集

凡二十八篇賈章集二卷馬融崔瑗同好與崔瑗集

六卷梁五卷唐五卷傳高於文辭善為書記辭

移社文悔祈草書執劉珍集二卷傳著詩頌連珠凡

七言凡五十七篇

張衡集十一卷梁十二卷又本十四卷唐十卷

善同論設客問作應問以見志上疏言圖緯虛妄作

思玄賦所著詩賦銘七言靈憲應問七辯巡告懸圖

別集

別集

別集

別集

凡三十篇 蘇順集二卷 傳所著賦論詩哀 胡廣集二卷

傳上疏諫探籌建后駭去上雄收察舉之制撰百官 四十一篇其餘所著詩賦銘頌箴及諸解詁凡二

十二篇 葛龔集六卷 梁五卷 唐五卷 傳以善文記

李固集十二卷 梁十卷 唐十卷 傳舉對策論當

風化退辭高滿上疏陳屯平徵用陽厚臨終與胡廣趙 戒書所著章表奏議教人令對策記銘凡十一篇

馬融集九卷 唐五卷 植行上廣成頌東巡頌詣公車

歌對策遺令凡二十一 篇 為梁龔 高彪集二卷 梁一

草奏李固又作大將軍一西第頌 高彪集二卷 梁一

傳覆刺遺馬融書數奏賦頌奇文因事諷諫 王逸集

二卷 傳賦誄書論及雜文凡二十一 篇 又作漢詩百

桓麟集二卷 漢書有桓麟著 崔琦集一卷 唐二卷 傳作外戚

儀白鵠賦所著賦頌銘誄箴  
鄆炎集二卷傳有文才

志氣作邊韶集一卷唐書卷十五篇鄆炎集二卷傳有文才

卷傳奏記梁兼以災異勸戒作崇厚論上疏言延薦

集一卷梁二卷唐二卷傳或疑仁孝前後之謚

論銘書應訊表教皇甫規集五卷傳西卷大冠上書

疏乞自效舉賢良方正對策上疏自奮詩零吾又上

文弔章表教令書儼張奐集二卷傳舉賢良對策上

段頌著銘頌書教誠述志對策章王延壽集三卷唐

之了逸崔寔集二卷唐志無傳著政論所著碑論

五篇趙壹集二卷傳作解擯貽書謝友又恩為窮鳥

賦又作刺世疾邪賦以舒忿憤者

賦頌箴誄書論  
劉陶集三卷  
唐志無  
傳游太學上

及雜文十六篇  
劉陶集三卷  
疏陳事議  
改鑄大錢陳

要急入事大較言天下大亂皆由宦官作七曜論匡  
老子及韓非復孟軻上書言當世便事餘教賦奏書

記辨疑張升集二卷  
唐志無  
傳著賦誄侯瑾集二

卷餘傳為皇德傳三十篇  
盧植集二卷  
傳獻書規竇武

士日食上封事所著  
庶品集二卷  
亡唐志無荀爽集一卷

碑誄表記凡六篇  
庶品集二卷  
志無荀爽集一卷

梁三卷  
唐二卷  
傳對策陳便宜著禮易等傳尚

書正經春秋條例漢語公羊問及辨識它所論敘題  
為新書凡劉梁集三卷  
梁二卷  
唐二卷  
傳著破

名鄭玄集二卷  
傳玄所著周易尚書大傳中候乾象歷又  
著天文七政論魯禮節拾義六藝論毛詩譜駁許慎

五經異義答臨孝存周禮難凡百餘萬言弟子問五  
經作鄭蔡邕集十二卷  
梁二十卷  
唐二十卷  
傳

志入篇  
蔡邕集十二卷  
作釋論以戒厲上書陳政要

萬曆丁亥年

二五卷五五

三

監生朱益儒刊

宜所施行七事入崇政殿對策異程瑛使人飛章言

平諭議獨斷勸學釋誨叙樂文訓士孫瑞集二卷應

劭集三卷梁四卷唐四卷傳凡為駁議三十篇

人經著中漢輯序撰風俗張超集五卷唐志張邵

文薦傲駭書謁文朝孔融集九卷梁一卷唐十卷

融引正定議議不宜加馬曰禪禮議不當復肉刑上

詩頌研文論議六言策文表虞翻集二卷唐三張紘

集一卷梁二禰衡集二卷多亡潘勗集二卷阮瑀

集五卷

漢風俗通 狀人紀 中漢輯序

應劭傳初劭父奉爲司隸時並下諸官府郡國各上前人像贊劭乃連綴其名錄爲狀人紀又論當世行事著中漢輯序撰風俗通以辨物類名號釋時俗嫌疑文雖不典後世服其洽聞凡所著述百三十六篇又集解漢書皆傳于時 唐志雜家應劭風俗通義三十卷 隋志三十一卷錄一卷又 應劭集二卷唐志四卷 中興書目十卷案隋志本三十一卷今存十卷皇霸正失愆禮過譽十反聲音窮通祀典怪神山澤 蘇頌風俗通義序去諸儒著書引據最多而無若庾仲容子抄馬總意

載之畧備



服虔有通俗文一卷

漢荀爽新書 漢語

荀爽傳著禮易詩傳尚書正經春秋條例又集漢事成敗可爲鑒戒者謂之漢語又作公羊問及辨讖及他所論敘題爲新書凡百餘篇今多亡缺 史記文紀注引漢語 隋志荀爽集一卷 見前

漢諸儒書

文選劉孝標論注引論衡曰漢諸儒作書者以司馬長卿楊子雲河漢也其餘涇渭也

蜀漢諸葛氏集 集誠

蜀志諸葛氏集目錄開府作牧權制南征北出計算  
訓厲綜覈上下雜言上下貴和兵要傳運與孫權書  
與諸葛瑾書與孟達書廢李平法檢上下科令上下  
軍令上中下右二十四篇凡十萬四千一百一十二  
字臣壽等言前在著作荀勗和嶠奉使臣定諸葛亮  
故事輒刪除複重隨類相從凡爲二十四篇篇名如  
右傳亮言教書奏多  
有可觀別爲一集論者或怪亮文采不豔而過於  
丁寧周至臣愚以爲臯繇之謬略而雅周公之誥煩  
而悉亮所與言盡衆人凡士故其文指不及得遠也  
然其聲教遺言皆經事綜物公誠之心形于文墨足

以知其人之意理而有補當世泰始十年二月一日

癸巳平陽侯相陳壽上晉陳壽傳撰蜀相諸葛亮集奏之唐志蜀

諸葛亮集二十四卷隋志二十五卷梁二十四卷儒家集誠二卷

隋志總集武侯誠一卷正史有論前漢事一卷又音一卷女訓

有貞潔記一卷書目亮集十四卷後一卷錄傳及

碑記其前十二篇章句頗多字數乃少魏氏春秋

亮作八務七戒六恐五懼皆有條章以訓厲臣子

木牛流馬法見集中作正議言據道討淫不在眾寡

率眾南征詔賜鉄鉞曲蓋羽葆虎賁亦見集中王

業不偏安之表亮集所無出張儼默記後漢郡國

注引諸葛亮書及表水經注亦引之

建興四年露布之切詔廖立之表來敏之教並見集中

### 魏渾輿經

魏志景初中下邳桓威年十八而著渾輿經依道以見意

### 吳陳子要言

隋志法家陳子要言十四卷吳豫章太守陳融撰唐志同

### 譙子法訓

唐志儒家譙子法訓八卷譙周撰

隋志同

又五教五卷

隋志梁有譙子五教志五卷亡

袁子正書

唐志儒家袁子正論二十五卷

隋志十卷

又正書二十

五卷袁準

隋志梁又有袁子正書二十五卷

晉言道

訪論

古今歷

審機

娛賓

九思

陸喜傳在吳爲吏部尚書武帝時爲散騎常侍好學有才思嘗爲自敘其畧曰劉向省新語而作新序桓譚詠新序而作新論余不自量感子雲之法言而作言道觀賈子之美才而作訪論觀子政之洪範而作古今歷覽蔣子通萬機而作審機讀幽通思玄四愁

而作娛賓九思真所謂恐愧者也其書近百篇吳平  
又作西州清論傳於世借稱諸葛孔明以行其書有  
較論格品篇云云 陸雲撰新書十篇 舊唐志儒  
家典語十卷陸景撰 文選注引  
陸景典論  
陸機正訓十卷通志云出於荊州田氏國史志雜家  
唐志有二十卷辛德源撰此題陸機疑誤

晉辨道

華譚傳建興初元帝命爲鎮東軍諮祭酒譚博學多  
通在府無事乃著書二十卷名曰辨道上牋進之帝  
親自覽焉

晉志林

虞喜傳著安天論以難渾蓋又釋毛詩畧注孝經爲志林三十篇又韋護爲典林二十三篇

隋志志林

新書三十卷

唐志二十卷

梁有廣林二十四卷又後林十

卷虞喜撰

唐志後林新書十卷  
三國志注引志林

唐志類書類于政立類林十卷

中興書目唐于政立類林十卷分五十日

記古人  
事迹

小說家裴子野類林三卷

晉于寶正言

唐志于寶正言十卷又立言十卷

沈約撰通言十卷子旋集注行於世

宋古今善言

范泰傳著古今善言二十四篇

唐志雜家三十卷

隋志同

梁法寶聯璧

梁書簡文撰三百卷中大通六年書成作者有蕭子

顯等三十人

以此皇覽

命湘東王爲序

三年太子名詳懋

與諸儒錄長春義記一百卷

隋政道集

李文博傳長議論著政道集十卷開皇中直秘書內  
省典校羣籍謂房元齡曰清流必潔源正未必端本



唐志法家治道集十卷

書目雜載前賢所論治

理之要凡一百十篇

隋王氏六經

杜淹世家大業元年文中子讀詩書正禮樂修元經  
讚易道九年而六經大就禮論二十五篇爲一十卷  
樂論二十篇爲十卷續書一百五十篇爲二十五卷  
續詩三百六十篇爲十卷元經五十篇爲十五卷贊  
易七十篇爲十卷文中子受書於李育學詩於夏璵  
問禮於闕子明正樂於霍汲考易於族父仲華銅川  
君告以元經之事貞觀初王凝考六經之目而繕錄

焉禮樂論各亡其五篇續詩書各亡其小序惟元經  
讚易存焉得六百六十五篇勒成七十五卷分爲六  
部號王氏六經名諸子而授焉疑名三子而教之畧例貞觀十  
六年福時二十一歲受六經之義附錄王勃傳通

起漢魏盡晉作書百二十篇續古尚書後亡其序有  
錄無書者十篇王勃補全缺遺定著二十五篇中

說續書始於漢以存漢晉之實詩備六代以辨六代  
之俗晉至隋元經始於晉惠以斷南北之疑贊易以

申先師之旨正禮樂以旌後王之失門人受禮寶

威賈瓊姚義

樂

溫彥博杜如晦陳叔達

書杜淹房喬

魏徵詩李靖薛方士裴晞王珪元經叔恬備聞六經

之義董常仇璋薛收程元

唐高識篇

傅奕傳武德七年奕上疏極詆浮圖法又上十二論  
奕注老子集魏晉以來與佛議駁者為高識篇 志

高識傳十卷

唐修身要覽

志儒家章懷太子十卷

唐中樞龜鑑志作龜鏡

志小說家蘇瓌中樞龜鏡一卷國史志書目初瓌

謂子頴有公輔之器因以宰相事業訓之凡二十七條

宋開府見之請號曰龜鏡

宋朝陳瓘廣之

唐朝野僉載

書目張鷟二十卷載周隋以來雜事時爲問荅以評目之補遺三卷

唐六誠

志小說家姚元崇六誠一卷

崇文目同

文苑英華姚元

志五誠持衡彈琴對鏡辭金冰壺

文粹元崇

誠執秤誠執鏡誠口箴

志雜家張楚金紳誠三卷

韓愈五箴柳宗元三戒

唐百行章 敘訓

志儒家仕正倫百行章一卷雜家率之謬敘訓二卷  
開元十七年上授長社尉

唐博聞奇要 古今精義

志雜家博聞奇要二十卷開元武功縣人徐闡上詔  
試文留集賢校理注記云開元二十一年十二月上薛洪古今精義

十五卷

唐說林

張大素傳子悱明皇時爲集賢院判官詔以其家所  
著魏書說林入院綴修所闕志雜家張大素說林

二十卷孔衍說林五卷王方慶續世說新書十卷

集賢注記開元八年五月張悝以前福昌令奉敕修

其父大素所撰後魏隋書說林

大素魏書一百卷

### 唐事對

書目十卷題唐燕公撰采經史屬辭比事間作詩語  
記之凡一百十四門意出於張說

### 唐意林

志雜家馬總意林一卷 書目正元中馬總撰三卷

先是梁庾仲容爲子書鈔三十卷總增損庾書詳擇

前志裁成三卷載叔倫柳伯存爲序

唐統載

志雜家韓潭統載三十卷夏綏銀青節度使貞元十三年上會要貞元十二年二月夏州節度使韓潭進統載四十卷舊史其書採虞夏以來至于周隋錄其事跡善於始終者六百六十八人爲立傳

唐酉陽雜俎

志小說家段成式酉陽雜俎三十卷崇文目同

興書目二十卷唐太常少卿段成式撰志聞見譎怪凡三十二類李淑書目詩書味之大羹史爲折俎子爲醢醢故名曰雜俎酉陽取大小二酉山多藏奇

書

方輿記

辰州小酉山有石穴中有秦人書千卷

故湘東王云訪酉陽之逸典

書目段成式續雜俎

十卷錄異事續之

唐記室新書

志李途記室新書三十卷

出示文目同

中興書目唐

東川節度掌書記李途撰於秦集諸書事迹爲對語列  
四百餘門職方郎中孫樵爲之序

唐備舉文言

志類書陸贄備舉文言二十卷

崇文目同

書目三

十卷摘經史爲偶對類事共四百五十二門



唐古今說苑

志 儒家李吉甫十一卷

唐元和辨謗畧

唐次傳建中初及進士第歷侍御史竇參數薦之參  
敗出為開州刺史積十年不遷韋臯鎮蜀表為副使  
德宗諭臯罷之次身在公府抑不得伸以為古忠臣賢  
士惟假被謗至殺身君且不悟者因采獲其事為辨  
謗畧三篇上之帝益怒曰是乃以古昏主方我改瓌  
州刺史憲宗立召還授中書舍人  
憲宗雅惡朋比傾陷者嘗覽辨謗畧善之謂學士沈

傳師曰凡君人者宜所觀省次編錄未盡卿可廣其書傳師乃與令狐楚杜元穎論次起周迄隋增爲十

篇號元和辨謗畧

**志**

儒家唐次辨謗畧三卷元和

辨謗畧十卷

令狐楚沈傳師杜元穎撰

裴潏大和新修辨謗畧三

卷

會要元和十二年十月翰林學士沈傳師等奏

元和辨謗畧兩部各十卷一部進上一部請付史館

從之

崔羣傳元和十四年三月帝嘗語宰相聽受

之際不亦難乎比詔學士集前世事爲辨謗畧以自

做鑒其要云何羣對曰無情曲直辨之至易有情則

欺僞難審也故孔子有衆好衆惡浸潤膚受之說以

其難辨也若陛下擇賢而任待之以誠糾之以法則人自歸正誰敢以欺帝躐其言 中興書目唐集賢

殿學士裴潏撰舊有十卷以其繁冗刪去止三卷載自古被誣之事起周公至狄仁傑又大和辨謗錄三卷案崇文總目李德裕等撰憲宗時命傅師楚等撰元和辨謗錄十卷大和中德裕以其文繁刪爲三卷舊紀元和十二年十月癸酉內出元和辨謗畧二卷付史館 唐次元和辨謗畧序曰似信而詐似忠而非便便可以動心捷捷可以亂聽豈止鵜鳩鵬卉薏苡惑珠者哉虞舜有聖讒之命我皇有辨謗之書

千古一心同垂至理將備乙夜之觀則聖慮先辨謗

何由興

上自周漢下洎隋朝勒成十卷

唐新語

志雜史類劉肅大唐新語十三卷

元和中

書目輯

唐故事起武德止大曆分爲二十類

漢陸賈新語宋劉義慶世說新語八卷

分三十八門  
崇文目十

卷吳裴玄新言五卷顧譚新語十二卷段興通語十

卷陸景典語十卷

隋志

唐西掖雜言

書目五卷韓愈撰序云餘暇擬作自大制令逮于百

執事取詩書雅言之意以西掖之號冠于篇或云非愈所作崇文總目云不著撰人名氏

唐御臣要畧

志儒家李德裕御臣要畧卷亡 會要大和八年九

月宰相李德裕進

唐帝王政統

會要大中五年十二月太子詹事姚康悞十卷上之

唐古今通要

書目四卷苗台符撰自黃帝至唐大中年紀疆理及戶口盛衰依史記自黃帝及共和存其代數周秦以

降則以元年冠甲子。

唐戚畹纂要

志類書類。劉揚名。戚畹纂要十卷。戚畹英華十卷。表

說重脩

書目。戚畹纂要。劉揚名。纂傳記。宗族親姻

事分內外。篇次之。戚苑英華。崇父目云。劉揚名撰。袁說重脩。說據采他書以增綴之。

唐帝王鏡略

晁氏志。劉軻撰。一卷。自開闢迄唐初帝王世次。綴爲

四言以訓童蒙。蜀馮鑑續之。至唐末。編年類

唐事鑑

志類書郭道規事鑑五十卷

唐化統

志雜家熊執易五百卷類九經爲書三十年乃成未及上卒

唐長短經

志雜家類趙蕤長短要術十卷

書目論王霸機權

正變長短之術凡六十三篇第十九載兵權陰謀晁氏

志雜家類

唐羽書集

志總集臧嘉猷羽書三卷處士

書目集歷代軍中

符檄誥命箴頌之文以唐爲首上至夏甘誓而止

崇文目續羽書六卷

唐金鑰

書目二卷大學博士李商隱以帝室職官歲時州府四部分門編類

唐鳳策聯華

書目三卷顧雲撰并序有續魏徵遺表代尉遲敬德荅隱大子箋補十八學士寫像贊安西都護府重築碎葉城碑大抵皆因舊事而作

崇文目別集類

唐致理書



志雜家朱朴致理書十卷又郭照度治書十卷

書

目朱朴乾寧中爲國子毛詩博士論述時務凡五十篇上之

唐女論語

宋氏女論語十篇

傳若莘著十篇準論語

以韋宣文君代孔子曹大家等爲顏冉推明婦道之所宜若昭又爲傳申釋之

志長孫皇后女則要錄

十卷武后古今內範一百卷內範要畧十卷鳳樓新誠二十卷韋氏續曹大家女訓十二章

唐七百三十六家別集

志丁部集錄其類有三二曰別集類七百三十六家  
七百五十部七千六百六十八卷始於趙荀況集楚  
宋王集終於盧藏用集失姓名一家玄宗以下不著  
錄四百六家五千一十二卷 隋志別集四百三十  
七部四千三百八十一卷通計亡書合八百八十六  
部八千一百二十六卷 詳見上

唐韓愈集

志四十卷 書目五十卷 李漢序凡七百一十六

首合目錄爲四十一卷又外集雜著實錄等十卷又  
遺文一卷十二篇其傳始於曾鞏音義五十卷祝充

進于朝，紹興中樊汝霖譜注四十卷，洪興祖撰年譜一卷，方崧卿舉正十卷，彭郁會覽四十卷，外抄八卷。朱熹考異十卷。李漢序曰：詭然而蛟，龍翔蔚然而虎，鳳躍鏘然而韶，鈞發日光，玉潔周情，孔思千態，萬貌卒澤於道德仁義，炳如也。皇甫湜曰：茹古涵今，無有端涯，渾渾灑灑，不可窺校，及其酣放豪曲，快字凌紙，怪發鯨鏗，春麗驚耀，天下然而栗，密窈眇章，妥句適精，能之至入神出天。唐書贊曰：愈以六經之文爲諸儒倡，障隄末流，反剗以樸，刻僞以真，然愈之才自視，司馬遷、楊雄至班固以下，不論也。當其所得

粹然一出於正刊落陳言橫鶩馳驅汪洋大肆要之  
無抵牾聖人者其道蓋自比孟軻 程子曰退之晚  
年之文所見甚高不可易而讀也 朱子曰原道諸  
篇於道之大原非荀楊仲淹之所及其言曰根之茂  
者其實遂膏之沃者其光曄仁義之人其言藹如也  
其徒和之亦曰未有不深於道而能文者 穆伯長  
曰韓元和聖德平淮西柳雅章之類皆辭嚴義偉製  
述如經

唐柳宗元集

書目同 外集一卷

志三十卷

康熙二十六年刊

五海卷五十五

天



端拱古今類要

謝泌端拱初獻所著文二十編古今類要三十卷名  
試中書直史館

淳化東觀集

崇文目十卷羅處約撰淳化二年七月蘇易簡上之  
藏史館

淳化仙鳧羽翼

書目淳化中光祿丞曾致堯采經史子集中可爲詩  
賦論題者集之據本經注解其下取興國八年御製  
賜進士詩名篇

崇文目類書三十卷

咸平新書 理樞

晁迥傳真宗擢直史館獻咸平新書五十篇又獻理樞一編四年三月壬午獻一卷召試知制誥

咸平本說

二年五月比部郎中刁衍獻本說十卷三十三篇召試學士院授秘閣校理

咸平廣孝新書 昭興寧親寶鑑

淳熙編集孝史

咸平六年九月甲午直史館樂史獻所著廣孝新書五十卷孝悌錄上清文苑四十卷總仙記凡八百卷

詔獎之紹興三十二年孝宗卽位十月十八日詔鄧倫進寧親寶鑑用意可嘉有補孝治遷一秩淳熙十五年三月八日有諫議大夫謝諤進編集孝史五十卷并序目錄共十一册詔付秘書

**崇文目**

上清文

苑四十卷廣孝新書五十卷唐孝悌錄十五卷孝悌錄二十卷

**樂史傳**

雍熙三年獻所著貢舉事二十

卷登科記三十卷題解二十卷唐登科文選五十卷孝悌錄二十卷續卓異記三卷淳化四年又獻廣孝傳五十卷總仙傳一百四十一卷詔秘閣寫本進內

曾伯智著孝行類要



尹源作唐說敘兵凡十篇上之 江休復著神告一

篇言皇嗣未立假神告祖宗之意與以感悟著唐宜

鑒十五卷春秋世論三十卷 歐陽修上蘇洵所著

書二十二篇權書衡論機策 劉顏著儒術通要經

濟樞言數十篇 李淑獻繫訓二篇 戚綸著理道評

十二篇 陳執中上復古要道三篇真宗異而召之

既至進演要三篇以蚤定天下根本爲說

天聖羣書新語

書目十一卷天聖中方龜年采六經傳記百家之言

以字句分門爲類

天聖中詔許天下士獻文章應詔者百數有司第其善者唐詢數人而已

景祐升平舉要

四年十一月同修注葉清臣上十篇壬子命爲直史館

景祐注法言

景祐四年十月十六日著作佐郎宋咸表進重廣注楊子法言十卷

三冊

序云東晉李軌爲注唐柳宗元

刪定禪缺糾失五百餘條

元豐四年十一月巳丑

司馬光采諸家所長附以巳意名曰集注序云楊子

之文簡而奧景祐四年詔國子監校法言嘉祐二年七月畢上之又詔呂夏卿校定治平元年上之又詔內外制看詳二年上之命鏤板宋咸吳祕皆注法言宋庠家有李執注本及音義最精詳音義多引天復本校法言者皆據以爲正

寶元君臣龜鑑 唐君臣龜鑑

二年二月一日

壬戌朔

太常丞詹庠上六十卷詔獎之

屯田外郎李及之撥唐史有益於治者撰次凡八十卷曰唐君臣龜鑑王堯臣上其書

皇祐治原

五年六月壬午皇姪若神武大將軍宗諤上治原十五卷詔獎之 楊大雅因轉對上原治十七篇

嘉祐治道中術

二年十一月己亥集賢校理何涉上治道要術三十

篇敕獎論

涉字濟川果州人又有春秋本旨

書目方術三卷凡三

十篇括古議今雜論治要 國史志刁術本說十卷

何涉治道中說三篇嘉祐中進 儒家

國朝事始

書目一卷范鎮記皇朝政事典禮所出共二百餘條

元豐事物紀原

書目十卷元豐中高承以劉存馮鑑事始刪謬除複  
增益各類皆援撫經史以推原初始凡二百七十事  
唐吳王諮議劉存與長史房德懋等集經史諸書  
以類分門爲事始三卷唐志小說家事始三卷劉孝  
孫房德懋又三卷劉春續  
後蜀馮鑑采羣書續事始五卷宣和中朱繪以事始  
踈畧撰事原三十卷

北史劉懋撰諸器物造作之始十五卷名曰物祖  
唐志雜家謝昊物始十卷

元祐重校學海

書目三十卷馬共以唐温庭筠學海未盡

唐志類書  
庭筠學海

卷三十 因總括諸書損益去取分類為一千二百八十餘門

崇文目學海三十卷史海十卷

皇極經世

邵雍撰十卷以元經會以會經運以運經世天日月星辰陰陽地水火土石剛柔變暑寒晝夜化雨風露

需感性情形態應走飛草木人目鼻耳口物聲色氣

事皇帝王伯體用業易書詩春秋心迹天開於子

地闢於丑人生於寅孔子贊易自羲軒而下祖三皇也序書自堯舜而下宗五帝也刪詩自文武而下

三王也修春秋自桓文而下孫五伯也一元之運

知於日甲月子星甲辰子自開闢以來推其年數雍  
之於李挺之挺之得於穆伯長自天地運化陰陽  
長皆以數推之以窮萬物之變程伯淳謂加一倍  
其書以日月星辰水火土石盡天地之體用以暑  
晝夜雨風露雷盡天地之變化以性情形體走飛  
草木盡萬物之感應以元會運世歲月日辰盡天地  
之終始以皇帝王伯易書詩春秋盡聖賢之事業  
易用九六經世用十二一元統十二會十二會統  
二十運三十運統十二世一世統三十年一年統十  
二月一月統三十日是十二與三十迭為用也觀

物篇解伯溫叙述

二卷

蔡元定為指要二篇以伏羲

卦圖列於前以皇極經世疏於後

張行成撰索隱

卷觀物外篇衍義九卷

張栻因經世之曆攷自

堯甲辰至乾道改元之歲凡三千五百二十二年列

為六圖曰經世紀年周夔為節要

觀物外篇門

弟子記平生之言合二卷雖以次筆授不能無小失

然發明成書為多

張行成曰內篇理深而數畧外篇數詳而理顯學先天者當自外篇

始

晁氏志皇極經世十二卷起堯即位之二十二

年甲辰終周顯德六年巳未編年紀興亡治亂之事

以符其學觀物篇系于後其子伯溫解



康節先生受業於李之才先視之以陸淳春秋意欲以春秋表儀五經既可語五經大旨則授易而終焉

紹興皇朝事實類苑

紹興中江少虞撰次二十六卷祖宗聖訓名臣事迹及藝術仙釋神怪夷狄風俗釐為二十六門

紹興中興龜鑑

七年二月二十一日詔林保所獻中興龜鑑可采賜紫其書進入十二年五月丁卯十一日何備上十卷詔遷一官

帝王手鑑

崔倕佺撰十卷

帝王經世圖籍

唐仲友撰十卷一百二十二篇周必大題辭

賜書

詳見御書

漢賜秘書

敘傳班旂爲右曹中郎將與劉向校秘書每奏事旂以選受詔進讀群書上器其能賜以秘書之副時書不布自東平思王以叔父求太史公諸子書大將軍白不許

霍山坐寫秘書常坐藉霍山書泄

蘇昌爲大

彪與從兄嗣共

遊學家有賜書好古之士自遠方至

漢賜外屬國世家列傳

**竇融傳**融與五郡太守共砥厲兵馬上疏請師期帝深嘉美之乃賜融外屬圖及太史公五宗外戚世家魏其侯列傳

漢賜祕書列仙圖

見圖類

漢賜山海經河渠書禹貢圖

**王景傳**永平二年議修汴渠引見景問以理水形景陳其利害應對敏給帝善之又以嘗修浚儀渠功業

有成乃賜景山海經河渠書禹貢圖

宋賜河西王蒙遜周易及子集諸書合四百七十五卷  
唐柳宗元家有賜書三千卷在善和里舊宅

唐賜荀悅漢紀

見賜物

唐賜曆日

集賢注記自置院之後每年十一月內卽令書院寫新曆日一百二十本頒賜親王公主及宰相公卿等皆令朱墨分布其注曆星遞相傳寫謂集賢院本

太平興國賜軍誠  
雍熙賜六韜

見兵書

淳化賜儒行篇

淳化三年二月詔以新印儒行篇賜中書樞密兩制三館等人各一軸先是御試進士以儒行篇爲論題意欲激勸士流修儒行故命雕印首賜孫何等次及宰輔近臣至銓司選人令置於聽事以代座右之誠三月己酉賜新第孫何等儒行篇各一軸何等表謝

祥符二年十一月丙辰復以儒行篇賜親民釐務

文臣其幕職州縣官使臣賜敕令崇文院摹印送

門辭日給之

初上謂輔臣曰先斬賞賜近臣儒行

可并賜之

紹興十八年六月三日御書儒行篇賜

進士王佐等

咸平賜三史 賜九經

元年七月甲申賜諸王輔臣新印三史各一本四年  
六月丁卯詔郡縣學校聚徒講誦之所各賜九經一  
部

咸平賜三國志

五年四月乙亥直秘閣黃夷簡等上新印三國志賜  
銀帛以其書分賜親王輔臣

景德賜經史

景德元年七月癸未朔賜諸王宗室近臣新印周禮  
疏二年六月乙未賜殿前都指揮使高瓊九經書疏  
諸史各一部從所請也真宗尚儒術故勲臣宿將亦  
化焉十月甲申賜宰執近臣親王新印周禮儀禮公  
羊穀梁傳疏三年八月甲戌賜右諫議种放太宗聖  
製御書九經三史義疏四年七月賜交趾九經從其  
請也祥符六年十一月癸丑賜御史臺九經三史三  
國志晉書八年正月丁亥以監書賜昭應宮二月辛  
酉又賜聖製文集天禧元年二月賜宗正寺經史以  
備修玉牒

至道三年九月戊寅殿中丞方演言曲阜文宣王廟有書樓而無典籍請賜九經及先帝御書重給祭器從之 景德元年七月丙午崇文院上新印晉書百三十卷賜校勘官

祥符賜莊列子

景德二年二月甲辰直講孫奭言郭象所注莊子時會莊生之旨請依道德經例校定并釋文三卷雕印詔可命崇文院檢討杜鎬與奭同校定摹刻祥符元年六月甲辰賜輔臣南華真經版本人一部 景德四年經列子觀二月丙子詔加至德之號命官校正



其書祥符五年四月丙寅崇文院上新印列子冲虛至德

真經詔賜親王輔臣人一本

祥符四年十一月丙子命李宗諤楊總等校莊子序摹板

祥符賜孟子

七年正月庚子國子監上新印孟子及音義賜輔臣各一部

天聖賜進士中庸大學

五年四月辛卯賜新第王堯臣已下中庸八年四月丙戌賜王拱辰已下大學後登第者必賜儒行及中庸大學以爲常

天聖賜九經

天聖九年二月癸亥賜青州州學九經 明道元年

七月甲戌賜壽州州學九經二年五月庚寅賜大名府學九經 景祐二年四月戊辰賜楚州州學九經 景祐賜冊府元龜

四年二月甲子賜御史臺冊府元龜天下圖經各部 嘉祐賜新唐書

正年六月詔鏤新唐書賜二府下逮修書官治平三年五月詔以七史賜二府下逮編校官

治平賜穎邸書

治平四年六月甲寅

神宗已卽位

司馬光初讀資治通鑑上

親製序面賜光令候書成寫入又賜穎邸舊書二千

四百二卷

治平三年五月十九日王師約選尚公主又出經籍及紙筆硯墨賜之

元豐賜班超傳

元年西夏入寇秦鳳以李師中知秦州賜手詔班超傳以勉之

神宗聖訓云熙寧初

元祐賜資治通鑑

七年七月二十八日戊申詔諸路安撫鈐轄司并西京南京各賜通鑑一部

建炎賜郭子儀傳

四年八月丁丑韓世忠遷檢校少師翌日戊寅上諭大臣曰世忠不親文墨朕方寫郭子儀傳欲付卿等呼諸將讀示之

紹興賜進士中庸篇

五年策士首得汪應辰九月十九日言者請依雍熙故事賜新進士儒行篇以勵士檢有旨添賜中庸送秘府校勘正字張嶠校中庸高閎校儒行篇二十二日閎奏儒行雖間與聖人之意合而其詞夸大類戰國縱橫之學蓋漢儒雜記決非聖人格言望止賜中庸庶幾學者知聖學淵源奏可御書中庸以十月四

日賜之

會要九月賜御書石刻中庸篇

紹興賜御書孝經

十四年七月辛未詔諸州以御書孝經刊石賜見任官及係籍學生時已頒于郡庠殿中御史汪勃言定和議極至養望摹刻使家至戶曉以彰聖孝

乾道賜武經龜鑑

見兵書

淳熙賜太子資治通鑑紀事

三年十一月戊辰

二十四日

詔取袁樞資治通鑑紀

事賜皇太子與陸贄奏議熟讀以求治道八年四月

五日詔國子監印經史子書各一帙賜吳益王府  
教授劉光祖請也

玉海卷第五十五